


1789

6. 1. 3



„Droschak”

ORGANE

de la Fédération

Révolut. Arménienne.

ԴՐՕՇԿԿ

Adresse:

RÉDACTION DU JOURNAL

„Droschak”

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՋՆԱԿՑՈՒԹԵԱՆ” ՕՐԳԱՆ

Պ Ի Է Ռ Կ Ի Յ Ե Ա Ռ

Մի անողորմ մահ է մի ծանր կորուստ...

Հեռագիրը գուժեց Պարիզից մեր խմբագրությունն, որ Պիեռ Կիյեառ յանկարծամահ է եղել: Ընդամենը 47 տարեկան հասակում, իր հարուստ ձիրքերի զարգացման գագաթին, գերեզման է իջնում այն մարդը, որ բոլոր հայասեր եւրոպացիների մէջ ամենահարազատն էր մեզ համար՝ մի մտերիմ, մի ընկեր, աւելի քան ընկեր — բարեկամ... Այդ բառի իսկական նշանակութեամբ, այդ գաղափարի ամենավեհ իմաստով, 17 տարուց ի վեր նա անդադար չեփորում էր անկարեկիր աշխարհի առջև հայ ժողովրդի ներական և ողբերգական դատը, նրա արիւնոտ ճգնաժամն ու օրհասը: 12 տարուց ի վեր նա մեզ հետ էր, „Դաշնակցութեան” հետ, բաժանում էր մեր աջողութիւնների մերկրանքը և ձախորդութիւնների վիշտն ու դառնութիւնը... Մեր շարքերից է, որ պոկւում է մի խոշոր դէմք, հայոց մռայլ երկնակամարից է, որ անհետանում է մի պայծառ և հրապուրիչ աստղ:

Քրանսիացի էր, յեղափոխական Քրանսիայի հարազատ զաւակներից, Դանտոնների ու Բլանկիների խանդավառ երկրպագու, մի ճշմարիտ „համաշխարհային բաղաբացի“, մի շիտակ բաղաբացի, որ վազում էր ամեն տեղ, ուր Պարսի հրամայական ձայնը կոչում էր իրեն, նետւում էր երիտասարդական անշէջ խանդավառութեամբ՝ բոլոր արդար դատերի մէջ, բոլոր մարդասպան բռնութիւնների ու անիրաւութիւնների դէմ, խօսում էր, գրում էր, թափօրում ու պայքարում — և այդ անխնջ պայքարի մէջ գտնւում էր իր գերագոյն երջանկութիւնը:

Կիյեառի մահը — սուգ է հայ ժողովրդի, հայ երիտասարդութեան համար: Ասեա՛ծ է, որ ամեն մարդ երկու հայրենիք ունի — իր սեփականը և ապա Քրանսիան: Քրանսիացի Կիյեառը երկու սիրւած ու գուրգուրած հայրենիք ունէր — իր սեփականը և Հայաստանը...

Մեր վիշաք մեծ է և այս վայրկեանիս մտադիր չենք ներկայացնելու այդ հրապուրիչ կեանքը իր ալլազան արտայայտութիւնների մէջ: Մենք յետոյ ցոյց կը տանք, թէ ինչ էր հանգուցեալը մեզ համար, հայ ժողովրդի, հայ դատի համար:

1911—1912

Փորձութեան տարի էր Իսլամի համար:

Գրո՛հ ամեն կողմից... Քրանսիան Մարոկկոյ դէմ, Ռուսաստանը և Անգլիան՝ Պարսկաստանի դէմ, Իտալիան՝ Թիւրքիոյ Տրիպոլիսի դէմ... Խաչը և մահիկը վաղուց այսքան կատաղաբար չէին զարնել իրարու: Մի կատարեալ „խաչակրաց արշաւանք“ է, բայց ոչ այլ ևս յանուն ճնշւած բրիտաննութեան, այլ յանուն... բաղաբարձութեան, որ բռնաւոր աշխարհակալողները խոստանում են մացնել այդ խաւար, յետաժնաց երկիրներում:

„Չեռքից գնացին” Մարոկկոն և Պարսկաստանը: Առաջինը պաշտօնապէս մտաւ արդէն Քրանսիայի բացարձակ խնամակալութեան տակ, դարձաւ երկրորդ եգիպտոս, իսկ վերջինը տարուբերւում է կեանքի և մահու մէջ, ռուսական սանդալներից ոտնահարւած և արիւնւած:

Չեռքից կ'երթայ և Թիւրքական Տրիպոլիսը: Մի վայրկեան նրա յարուցած տագնապը սպառնաց ընդհանուր տակնուվրայում, վտանգի մատնեց ամբողջ երկրի գոյութիւնը... Մի վայրկեան կար, երբ Ռուսաստանի անակնկալ պահանջի հանդէպ, նեղուցների խնդրի առթիւ, բաղաբարձութեամբ մարդկութիւնը սարսուռով մտածում էր, թէ հասել է յաւիտենական „հիւանդ մարդու“ ճակատագրական վախճանը: Բախտը, սակայն, այս անգամ էլ ժպտաց օսմանեան կիսալուսնին, պարիզեան կարճատև դեսպանաժողովը Սազոնովի մասնակցութեամբ, գտաւ, ըստ երևոյթի, որ վայրկեանը դեռ պատեհ չէ, որ դեռ պէտք է սպասել:

Որքա՛ն խրատական են այդ անակնկալ տագնապները Թիւրքիայի վարիչների համար, որքա՛ն հրահանգիչ են նրանք, մասնաւորապէս, մեզ համար: Բորբոքւում էր մի հրդեհ, որ կարող էր կլանել մեզ: Պատրաստ էի՞նք դիմագրելու...

Ամբողջ տարին Երիտասարդ Թիւրքիան ներկայացրեց

ներքին տնտեսական կառուցման մի քստմենտի տեսարանը Բազմական չէ, որ նա միանգամայն անընդունակ էր յայտնում կանգնելու ժամանակի պահանջների բարձրութեան վրայ, մղելու երկրի տնտեսական զարգացման վերածնունդին, կազդուրելու համագործակցության բացառությունը վերջերս, կազդուրելու հայերին, մակեդոնացիներին, հին ռեժիմի ամենամեծ զոհերին, բազմական չէ, որ մոլեռանդ, սահմանափակ մտայնութեամբ նա ազատ ասպարէզ էր տալիս գաղափարներում հակաքրիստոնէական, մասնաւորապէս հակահայկական բնազդներին, լուեւայն սրբագործում էր հրոսակների աշուղակող ուժերները և դրանով իսկ խրախուսում էր յետաշրջման հոսանքը, դրանով իսկ միջամտութեան պատրաստալիս արտաքին ոստիկաններին, — Երիտասարդ Թիւրքիան՝ անգամ իր հայրենիքի ամբողջութեանն ուղղակի սպառնացող պատերազմի ու ճգնաժամի հանդէպ՝ անկարող եղաւ պահպանել միութիւն ու ներդաշնակութիւն և մնաց միշտ պառակտեալ, հակամարտ, անդամալոյծ... Կուսակցական ծանծաղամիտ պայքարները զինադադար բնաւ չունեցան, — պայքարներ՝ որ միանգամայն զուրկ էին գաղափարային աստառից, որ մեծ մասամբ պատուում էին անձերի ու աթոռների շուրջը, մեծ մասամբ տոգորեալ էին փառատենչ, կորստաբեր ախորժակներով, որոնք և հասցրին ներկայ ծանր ճգնաժամին, Պատգամաւորական ժողովի լուծման... Փոխանակ լուեւայն կուսակցական կրքերը այս հանդիսաւոր և դրամատիկ օրերում և բոլորը իբրեւ մէկ մարդ ծառանալու արտաքին թշնամու դէմ — ինչպէս որ ընդունեալ է իւրաքանչիւր շատ թէ քիչ բարեկիրթ պետութեան մէջ — նրանք՝ զուտարիւն օսմանցիներ՝ աւին աշխարհին պերճախօս ապացոյցներ իրենց ներքին համաձայնակ փրտախտի... Այն ժամանակ, երբ այդ աշխարհը սպառում էր, թէ երիտասարդ Թիւրքերը պիտի ցոյց աային, որ սահմանադրական ռեժիմի տակ Թիւրք պետական օրգանիզմը թարմացել է և աւելի ուժով ու ներդաշնակութեամբ, աւելի գիտակցօրէն և հայրանասիրական աւելի մեծ աւելնով պիտի նետւի հայրենիքի թշնամիների դէմ:

Ահա տնտեսական իրողութիւններ, որ բոլորում են տարաւայ անցքերի թուղցիկ տեսութիւնից, իբրեւ ահաւոր մի ախտանիշ, որ հարցական նշանի տակ է գնում՝ Թիւրք վարիչ մարմինների բաղադրական ու բաղադրացիական հասունութիւնը, դրա հետ նաեւ երկրի ապագան...

Պատմութիւնը կրկնում է... Նոյն պատկերն էր երբեմն, Բիւզանդական կայսրների օրով, երբ օսմանցիք սպառնալի կանգնել էին և, Պոլսի պատերի առջև, իսկ ներսը տիրում էր մի անհնարին երկպառակութիւն, մտքերի, ուղղութիւնների կործանարար մի շփոթ...

Աշխարհեան վիճակի կաշնաւորը կարող է թերեւս իրաւամբ նկատել իր քաջամարտիկ ախոյեաններին, որքան

ես էի միահեծան հրամանատարը կայսրութեան՝ պատերազմի ժամանակ, ճիշտ է, ես էլ չէի փրկում հայրենիքի ամբողջութիւնը, բայց գէթ իմ օրով երկիրը կազմում էր միաբան, ներդաշնակ, կուռ ու կազմ մի բանակ...

Պատմութիւնը կրկնում է — նաեւ մեզ համար, երբ ամիսներ սրանից առաջ փոթորիկը նորէն պայթեց, աշխարհը իրարու անցաւ և Արեւելքի խաղաղութիւնը մի մազից էր կախաւ մնացել — մենք վերստին հարց էինք տալիս, յանկարծակիի եկած. «Ի՞նչ ենք մենք, ո՞ր ենք դիմում, ո՞ր է մեր ազգային բաղադրական ուժութիւնը... Ի՞նչ էական մտահոգութիւններով է տարեալ «ազգը» իր երեւելիներով, իր խոհուն գլուխներով, իր Ազգային ժողովով և ազգային իշխանութիւններով, Ունի՞նք արդեօք դիմադրելու կարողութիւն, գէթ ինքզինքնիս պաշտպանելու միջոցներ...»

Եւ այդ հարցը շարունակ վերագառնում է մեր շրթների վրայ, քանի որ ապրում ենք «նեարդային», վտանգաւոր ժամանակաշրջանում, քանի որ շարունակ նորանոր անակնկալներ են առաջանում — ազգերի ճակատագիրը յեղաշրջող անակնկալներ:

Պատասխանը ծանօթ է ժողովրդի բացառիկ կացութեան հանդէպ և նոր հնարաւոր պատահարների դիմաց՝ «ազգը» — ինչպէս «հին, բարի ժամանակներում» — իր հրատապ, կենտրոնական հոգսերն ունի՝ իր եկեղեցիներն ու վանքերը, գերեզմանատները, Էջմիածինը, կաթողիկոսը, Երուսաղէմը, Աղթամարը... Նա շարունակում է իր աւանդական պաշտօնը՝ լինել սոսկ կրօնական համայնք, երբեք քաղաքական, նա շարունակում է եկեղեցիների ու դպրոցների մէջ տեսնել հայ ժողովրդի փրկութեան խարիսխը... Զուրկ ազգային ճշմարիտ քաղաքականութեան գիրքատիկներից՝ տիրացու ազգը նախկին թուլամորթ երկչոտութեամբ փակում է իր պատեանի մէջ, նա չի լսում իր շուրջը զոհանջող ահաւանգները, չի անդադարեալ ժողովուրդների կեանքն ալեկոծող անցքերի վրայ և փախում է զարհուրանքով հայ քաղաքական կուսակցութիւններից, հրաժարում է նրանց գոյութեան խարիսխը կազմող յաւիտենական և նշովեալ խնդիրներից ու հոգսերից... «Ազգի» համար հազար անգամ աւելի հրատապ և աւելի հրապուրիչ խնդիրը կար — հայոց կաթողիկոսի ընտրութիւնը և ամբողջ տարի նա մնաց մի տեսակ ելիքատրական տրամագրութեան մէջ, ամբողջ ամիսներ հայոց մթնոլորտը թնդում էր՝ անդուռ ու խորխու մարտակոչերից և, Պոլսից մինչև Թիֆլիս տենդային կերպով մտազբաւ էին, թէ ով պիտի բազմի մի անփառունակ և գրեթէ նաեւ անբովանդակ ու Ֆիկտիվ գահի վրայ...»

*) Զենք միանգամայն ժխտում կաթողիկոսական ընտրութիւնների արժէքը: Այս անգամ նրանք տեղի տւին, կով-

Այդպէս ենք եղել միշտ: Անհուն եռանդ ու կորով ենք սպառել՝ այդ կարգի խնդիրների վրայ և յանցաւոր կարճատեւութեամբ զանց ենք աւել ազգային ինքնապահպանութեան առաջնակարգ պահանջը, որին ամեն բան հպատակում է, որին ամեն բան պետք է հպատակւի: Այդպէս էին և մեր երեւելի նախնիքները, սկսած վերածնունդեան առաջին օրերից, 60-ական թւականներից, երբ նրանց ձեռքը տրեց «Ազգային Սահմանադրութիւն» կոչեցեալ թուղթը, երբ հոգիների կապանքները մասամբ փշրեցին և լեզուները բացեցին... «Ազգերնիս կը յառաջագոյն կոր» — ասացին նրանք և հոսեցին անվերջ ու պերճ ճառերի հեղեղները... Երեւակայեցին, թէ ազգն արդէն երջանկացած է, օրօրեցին տասնեակ տարիներ սին պատրանքով թէ հայութիւնը արդէն իսկ բաղաբական ստորագրիներով օժտւած ազգ է, մինչդեռ նրան տրւած էր Սահմանադրութիւնը, իբրեւ սոսկ կրօնական-լուսաւորչական համայնքի և նա մնում էր այդպիսին: Ոչ ճառերի հեղեղները և Ազգային ժողովի պերճախօս մրցումները, ոչ վանքերի ու դպրոցների վերաշինումն ու բազմացումը չէին մտնում իրական բարօրութեան և ոչ մի շող, ճառագայթ մորթոտող հայաստանցու խորճիթի մէջ... Եւ երբ հասան պատմական թւականները, երբ արեւելեան թատերաբեմում խլրտացին ժողովուրդները իրենց ուրոյն պահանջներով ու ձգտումներով, երբ արեւմտեան դիւանագիտական արեօպագում ազգերի կենդանութեան միակ, ազգու, խորհրդաւոր բանաձև յայտարարեց. «Je m'insurge, dons je suis!» (ես ապստամբում եմ, ուրեմն և գոյութիւն ունիմ) — հայոց «ազգը» այն ատեն միայն զգաստացաւ, ըմբռնեց ցաւով ու ցասումով, որ մոլորել է, որ սխալ ճամբով է

կառահայ «ինտելիգենտ» աշխարհում, մտքերի ու դաւաճանքների մի անօրինակ շփոթի, մի կատարեալ մտային արեւորափոխի և տարբայութեան, որին թերեւ կը վերադառնանք մի յօդածով: Մի կողմը թողնենք՝ որ անգամ այդտեղ, կաթող. ընտրական պայքարի մէջ, մերթ թափառ, մերթ բացարձակ, հազիւ հազ վարագուրած ձեռք առաջ էր տարւում կռիւլը... Հրապարակից բացակայող «Դաշնակցութեան» դէմ: Բայց առանց վերջինի գործակցութեան էլ՝ հայ ժողովրդական բնագոյր չխոտորեց ուղիղ ճանապարհից, նա կարողացաւ գէթ զանազանել մտքուրը անմաքուրից, շիտակ դարձնեց և յաղթանակեց: Երկրորդ ուշագրաւ իրողութիւնը այդ ահագին imbroglion-ի մէջ հայ կուսակցական բարտեզի փոփոխութիւնն էր — շատերի համար վաղուց սպասելի է. Յ. Դաշնակցութեան գոյութիւնը գեւ շատ այդպիսի քարտէզային յեղաշրջումներ և ուժերի փոխադրութիւններ պիտի յարուցանէ մեր խոպան մտաւոր հրապարակում: Իրողութիւնն այն է, որ հին ազատասէր, «առաջադիմական» կուսակցութիւնը ջնջեց իր պառ և անկեղծօրէն իր սահմանադրեց գծերը (lignes de démarcation) իր երբեմնի ակոյեան՝ կղերական հայապաշտական հատուծի հետ, ձուրեց նրա հետ, կուեց նրա հետ թե թեք տւած և անպատիւ պարտութիւն կրեց:

Այսուհետեւ մնում է հայ օրինական գործունէութեան ապարդիւն՝ մի կղերական-պահպանողական բլուի, առանց ներքին գաղափարային տարբերումների և նրա դիմաց մի երկշտ, թոթովախօս լիբերալիզմ:

առաջ տարել իր գոյութեան նաւակը, որ չէր արել ինչ որ պետք էր, չէր պատրաստել «հարիսան» վայելելու համար խրվեանի post factum ջատագոված «երկաթէ շերեփը», չէր յարմարել, մի խօսքով, տիեզերական գոյամարտի անագորոյն պատգամներին... և մեր «ազգի» յանցանքով, էֆէնտիների, բուրժուանների և բուրժուապա մտաւորականութեան յանցանքով՝ Բերլինեան պատերազութիւնը վիժեց, հայոց արգար գանգատները վիժեցին և թիւրքահայ ժողովուրդը այնուհետեւ ամբողջ 30 տարի շարունակ գամած մնաց չարչարանքի ու դժոխային նահատակութեան մահճի վրայ: «Անցեալն է անց»... Ոչ: Այդ անցեալը պետք է միշտ որոճանք, պետք է միշտ ունենանք աչքի առջև և քաղենք նրա ծոցից հրահանգները՝ ներկայի համար: Պատմութիւնը կրկնում է միակերպ, համանման արարւածներով՝ միայն անկիրթ և կիսակիրթ ցեղերի համար, որոնք ոչինչ չեն ուսանում անցեալից և դիւրութեամբ հողմերին ու ջրերին են յանձնում այդ պատմութեան ամենացնցող դրաւագները: այդ անցեալի ամենատրամիկ դասերը...

35 տարի է անցել — և այն ժամանակաւ սակաւաթիւ զգաստ ու ըմբոստ ձայները զարմանալի թարմութիւն են պահպանում մեր օրերում: Ահա թէ ինչ էր գրում Բերլինի կոնգրէսի նախօրեակին մի ըմբոստ եկեղեցական, Կ. Պօլսի «Փունջ»-ի մէջ (1878 թ. ապրիլի 29)։

... «Որչափ անհուն տարբերութիւն մեր և պուլշարաց մէջ, զի մեր տւած զոհերը տգիտութեան զոհեր են, անտարբերութեան զոհեր, հայրենատեցութեան զոհեր...

... «Հայոց ազգ... սովորած է ստրկութեան... Իւր անմիտ երկչոտութիւն մինչև այն աստիճան հասած է, որ իր թշառ վիճակին վրայ խռովելու նշան անգամ չի յայտնէր... Երբեմն իր յոյսը Սահմանադրութեան վրայ դրած էր... Այսօր ալ իր բոլոր ակնկալութեանց կեդրոն ըրած է դպրոցները և կրսպասէ, որ դպրոցներէն գտնէ ազատութիւն: Բայց մի՞թէ այսբան ժամանակներէ հետեւ ազգը դպրոց ունեցած չէր, որ չի կարաց ազատիլ և մի՞թէ դպրոցի մէջ կը սովորէ Հայն արիւնդուշտ Բիւրդին թուրը ջախջախել...»

«Հայը կրնայ բաղաբակիրթ, ճարտար, գործունեայ, լուսաւորեալ և սահմանադրական ազգ մ'եղած ըլլալ բայց... կրնայ առանց ամաչելու հաստատել, թէ ազգին կեանքն ապահովեալ է...»

Երեսունուհինգ տարի է անցել գրեթէ: Եւ մենք ակամայ համեմատում ենք անցեալն ու ներկան: Նրանք ոչ միայն համեմատելի են, այլ և խիստ նման, տարաբախտաբար... Պատմական միջավայրը դարձեալ յղի է «դէպքերով», անակնկալներով: Հայաստանը դարձեալ բացառիկ օրէնքի տակ: Հայ ժողովրդի ընդհանուր վիճակը՝ լի դառնութեամբ ու յուսահատութեամբ: Գրեթէ բոլոր «թագրիւններն» ու բողոքները — ձայն

բառաբանող յանապատին: «Ազգի» ընդհանուր մասնու-
թիւնը նոյնն է մնացել, գրեթէ նոյնը՝ համազգային
ինքնապահպանութեան կարգին ալ հոգսի առջև: Քրդա-
կան հրոսակների անպատիժ թախքների հանդէպ՝ շա-
րունակում ենք հոլովել «Երուսաղէմ» ու «Աղթամար»:
Ազգի ճնշող ընդհանրութիւնը մի սրտառու հաւատար-
մութեամբ կապած է մնում: «Փայտէ շերեփի» դա-
ւանանքին:

Այդտեղ է մեր կացութեան յաւիտենական տրագիզիա:

ՍՕՑԻԱԼԱԿԱՆ ՏԵՍՈՒԹԻՒՆ

ՍՕՑԻԱԼԱԿԱՆ ՏԱՐՐԸ

ՌՈՒՍԱԼԱՅ ԳՐԱԿԱՆՈՒԹԵԱՆ ՄԷՋ

Ն Ե Ր Ա Մ Ո Ւ Թ Ի Ւ Ն

Ժողովուրդների հասարակական կեանքի մէջ, բնա-
շրջումի երկար ու բարդ ճանապարհի վրայ՝ գրականու-
թիւնը իր յատուկ պաշտօնն ունի, իր կարեւոր և նշա-
նակալից դերը:

Նա կեանքի, միջավայրի արդիւնք է անշուշտ, ժամա-
նակից և տարածութիւնից դուրս չէ անկասկած: Բայց
նա որոշ կեանքի և որոշ միջավայրի գոյութեան ազ-
դակներից է միանգամայն: Եթէ առանց հասարակական
օրգանիզմի՝ գրականութեան ծնունդն անմտածելի
կը լինէր, այնպէս էլ առանց գրականութեան՝ հասարա-
կական օրգանիզմի զարգացումը ծանր վտանգ-
ների կը զարնէր:

Կեանքի և գրականութեան յարաբերութիւնը միա-
կողմանի ու տարամբժ է: Շարժումը առաջինից հա-
ղորդում է երկրորդին: Բայց այնտեղ չի մեռնում, այն-
տեղ չի ոչնչանում: Նա զտում է գրականութեան մէջ,
կանոնաւորում, հաւաքում իր քառասկան ալիքները և
ապա, մաքուր ու յստակ, դառնում դէպի կեանքը:
Գրականութիւնը մի անշարժ, անկենդան զանգած չէ,
ուր կորչին, անէանան կեանքի բաղնիքները: Նա մի
անյատակ խաւար չէ, ուր ոչնչանան շրջապատի լոյսերը,
անարձագանք ու անվերադարձ: Այդ բաղնիքներն ու
լոյսերը, կեանքի այդ յաւիտենական յորձանքները միշտ
դառնում են դէպի յետ, դէպի միջավայրը: Եթէ կեանքը
ազդում է գրականութեան վրայ, վերջինս էլ կեանքից
լուսաւորւած՝ կանոնաւորում է նրա ընթացքը, բնորո-
շում է նրա ուղղութիւնը: Քաղաքակրթութիւնը, յա-
ռաջագիտութիւնը այս կրկնակի շարժումների արդիւնքն
է: Պատմութիւնը այս փոխադարձ ազդեցութեան հե-
տեանքն է:

Առարկայական և ենթակայական, նիւթական և իդէա-
կան ներգործութիւնների մի մասն է կազմում կեանքի
ու գրականութեան պիւրլիմը: Ինչպէս պատմութիւնը
տարամբժօրէն առարկայական ուժերի ստեղծագործու-
թիւն չէ, ինչպէս քաղաքակրթութիւնը միմիայն նիւ-
թական պատճառների ծնունդ չէ, այնպէս էլ հասարա-
կական բովանդակ բնաշրջումը միմիայն կեանքի անգի-

տակից թաւալումների պտուղը չէ: Այստեղ դեր ունին
«ենթակայական» ուժերը ևս, դեր ունին իդէա-
կան պատճառներն ևս — գրականութիւնն ևս...

Պատմական որոշ դէպքեր քննելու ժամանակ՝ չպէտք է
բաւականանանք մակերևութական ու միակողմանի դի-
տողութիւններով: մենք պարտաւոր ենք որոնել բոլոր
այն պատճառները, որոնք համախմբելով՝ առաջ են
բերել այս կամ այն եղելութիւնը: Եւ այս հետազո-
տութեան ժամին, ընկերաբանական-իմաստասիրական
այս որոնումների ընթացքում՝ մենք յաճախ հանդի-
պում ենք գրականութեան: Մենք տեսնում և
հաստատում ենք, որ գրականութիւնը, իր մէջ ամփո-
փելով ժամանակի ձգտումներն ու համադրութիւնները,
դառնում է հասարակական իրողութիւնների կարեւոր
գործօններից մին: Վերլուծելով կեանքի երևոյթները,
ուսումնասիրելով մարդկային բովանդակ յարաբերու-
թիւնները, յստակօրէն ու կենդանի ներկայացնելով շըր-
ջապատի արժեքները՝ գրականութիւնը հանդիսանում է
մի գիտական կանոնադրական և իբրև այդպիսին
մտնում է ժողովուրդների հոգեբանութեան ու տրամա-
բանութեան մէջ: Եւ այնուհետեւ, այսպէս կազմակերպ-
ւած ժողովուրդները, այսպէս զարգացած հասարակու-
թիւնները կատարում են, իրագործում այս կամ այն
պատմական ակտը: Գաղափարական գործօնները, իդէա-
ուժերը (*idée-force*), որոնց դերը պատմական երևոյթ-
ների ծագման մէջ յաճախ չափազանց նշանակալից է՝
արտայայտւում են գրականութեամբ: Անհատի և հա-
սարակութեան գիտականութիւնը ապրում է ու
կազմակերպւում գրականութեան ազդեցութեան ներքոյ:
Եւ եթէ առարկայական հանգամանքներին չհաղորդւի
ժողովուրդների կամ անհատների գիտակցութիւնը՝
«պրօգրէսը», առաջագիտութիւնը ասպարէզ չեն գայ:

Որոշ ժամանակի և որոշ դէպքերի նկատմամբ գրա-
կանութիւնը ներկայանում է իբր անմիջական ազդակ,
իբրև մերձաւոր պատճառ: Հասարակական կեանքի քննա-
դատը, հասարակական երևոյթների մեկնաբանը բաւա-
կանանում է այդ անմիջական ազդակի վերլուծութեամբ:
Անշուշտ նա կարող է և պատրաստ է մատնանշել նաև
անուղղակի գործօնները — եթէ նրանք բաւարարաչափ
հարկաւոր են — կարող է ցուցահանել նաև հեռաւոր
պատճառները, բայց նա չի կարող և ամենևին պար-
տաւոր չէ այդ ուղղութեամբ անվերջ առաջ գնալ: Եթէ
պատմագրի, ընկերաբանի համար հարկադրական դարձ-
նենք հեռաւոր պատճառների հետախուզութիւնը,
ապա անկարելի կը դառնայ որոշ ժամանակի և որոշ
իրողութեան բացատրութիւնը: Բնական փաստերը մի-
մեանց հետ շղթայաւ են անվախճանօրէն: Ամեն ան-
գամ գտնւած պատճառի պատճառին հետամտելով,
ամեն անգամ գտնւած բացատրութեան բացատրու-
թիւնը որոնելով՝ մենք անխուսափելիօրէն պիտի դիմենք
դէպի նախնական պատճառը...

Այսպիսով ընկերաբանական գիտութիւնները կը դառ-
նան բնազանցութիւն և հասարակական երևոյթների
մեկնաբանութիւն կը դառնայ բնազանցական խաղ:
«Պատճառների պատճառը» տեղ չունի գիտութեան
ոլորտում: Սկզբնական, նախագոյ պատճառի հետազո-
տութիւնը ոչ բնագիտական և ոչ հասարակագիտական
պրօբլէմ է: Ընկերական-բնական կեանքի մէջ բնազան-

ցական մեթոդի կիրառութիւնը ոչ մի դրական հետեանք չի տար: Այդ ճանապարհով մենք երբեք չենք կարող պատմական որոշ ժամանակաշրջան և որոշ իրողութիւն լուսաբանել ու հիմնաւորել: Այսպիսով բոլոր ժամանակներն ու բոլոր եղելութիւնները մի հատիկ ծագումն կունենան, մի սկզբնական ու միայնակ պատճառ: Եւ այդ մի հատիկ ծագումը ուրիշ ոչինչ չի լինի, բայց եթէ բնագոյնագէտների առաջին պատճառը, որ խաւարի ու յաւիտենական մշուշի մէջ է և որ թերեւս երբեք էլ չի յայտնագործւի:

Հասարակական երեւոյթները բնեւէիս մենք պիտի որոնենք առաւել կամ նւազ մերձակայ պատճառներ: Պիտի ցուցահանենք այն առաւել կամ նւազ անմիջական ազդեցութիւնը, որոնք տեւալ ժամանակում տեւալ իրողութիւնն են արդիւնաւորել: Այս միջավայրում և այս հողի վրայ՝ նախնական պատճառի հետազոտութիւնը ամուլ աշխատանք է:

Եթէ հասարակագէտը, եթէ պատմաբանը կարողանում են որոշ պատճառներ արձանագրել, որոնք տեւալ ժամանակաշրջանում և տեւալ տարածութեան վրայ որոշ հետեանքներ են առաջացրել—նրանք դրանով իսկ կատարում են իրենց կոչումը: Չենք կարող պահանջել, որ ընկերաբաններն ու պատմագէտները լուսաւորելով որոշ իրողութեան հիմքերը՝ լուսաւորեն նաև այդ հիմքերի հիմքերը, և այսպէս անվախճան... Բաւական է, որ յայտնի ուժ—լինի նա առարկայական թէ ենթակայական, նիւթական թէ իդէական—ներգործելով կեանքի բազմազանութեան վրայ՝ պայմանաւորել է որոշ փաստի ծնունդը կամ զարգացումը...

Այս ընդհանուր սկզբունքները շօշափելի դարձնելու համար, գրականութեան և կեանքի փոխադարձ ազդեցութիւնը յստակօրէն ներկայացնելու համար՝ կանգ առնենք մի օրինակի վրայ, որ այնքան բովանդակալից է և որ իրապէս շատ բան է ապացուցանում: Ֆրանսիական Մեծ Յեղափոխութեան և տասնութերորդ դարի գրական շարժման ներքին, բարոյական կապը յիշուի շատ է նշանակելի: Այս մի հատիկ պատմական օրինակի մէջ ակնյայտ երևում է գաղափարական գործօնների և մասնաւորապէս գրականութեան խորունկ ազդեցութիւնը հասարակական և քաղաքական անցուդարձերի վրայ: Մեծ Յեղափոխութեան պատմիչները, քրքրելով այդ հռչակաւոր եղելութեան հիմքերը, նիւթական-տնտեսական-գասակարգային պատճառների հետ վեր են հանել նաև գրականութեան կարևոր դերը:

Միապետութեան դժոխային յանցանքները, պալատական անհաշիւ ու առասպելական ծախսերը, ազնւականութեան և կղերականութեան բիրտ ու ալլանդակ արարքները, գիւղացիութեան սարսափելի թշուառութիւնը, միջին դասերի, քաղաքային բնակիչների ստրկական, անազատ վիճակը, հարկերի և զանազան տուրքերի անխիղճ բաշխումը, պետական գանձարանի սնանկութիւնը... Այս բոլորը անշուշտ հզօրապէս պայմանաւորեցին յեղափոխութեան անհրաժեշտութիւնը: Բայց միաժամանակ այդ բոլոր պարագաները—անկախ հասարակական մտքից, հաւաքական գիտակցութիւնից, բարոյական-կենսական ըմբռնումից—չէին կարող արտագրել այն մեծախորհուրդ ու բարդ իրողութիւնը, որի անունն է Ֆրանսիական Յեղափոխու-

թիւն: Երկար տարիների հետեւողական ու սխաւմատիկ աշխատանքով տասնութերորդ դարի գրական-փիլիսոփայական հանճարեղ գրիչները միջավայրի, առարկայական կառուցածքի մէջ պայծառ միտք դրին, խորունկ գիտակցութիւն և յստակ ըմբռնում: Մի Մօնտէսքիօ իր խոհուն, լուրջ ու ծանր նկարագրով ֆրանսիացիների առջև հանեց անգլիական սահմանադրութեան բարիքները, քաղաքական ազատութեան օգուտները, հրահանգեց պետական վերակազմութեան անհրաժեշտութիւնը: Մի Վօլտէր իր սրամիտ, կենդանի, խորաթափանց ոգով, իր շեշտակի ու իմացական խառնածքով, իր դասական հեղեղութեամբ խորհրդեց միապետութեան, ազնւականութեան և կղերականութեան գահերը: Մի Դիդրօ իր բնագաւառական, վերլուծական ուղեղով, իր բազմակողմանի, հանրագիտական պաշարով հին ռէժիմի խոցերը և բովանդակ փտութիւնը հարւածեց: Մի Բիւֆֆօն իր համակարգւած և բարձր տրամաբանութեամբ, կործանեց մարդու ծագման աստուածային թէօրիան՝ բնութեան առաջ բոլոր մարդկանց ծնունդը հաւասար հռչակելով: Մի Ռուսսօ իր լայն ու մղեգին թափով, իր խորունկ զգացմունքով, իր արմատական կենսահայեցողութեամբ միապետների գերիշխանութեան հինաւուրց սկզբունքը ջախջախեց և ժողովուրդների գերիշխանութեան գաղափարը ներթողեց... Եւ այսպէս շարունակ: Լուսաւորեալ դարի գրական մեծանուն դէմքերը այս հինգ անձով չեն սահմանափակուի: Նրանք դարձեալ կան և ամենքը միասին մի հիմնական գաղափարի՝ մի կենտրոնական մտքի քարոզողներն են: Գրականութիւնը հաստատուած այդ մտաւոր հսկաների հեղինակութեան վրայ՝ իր պատմական դերը կատարեց: Լ. Յեղափոխութեան շառաչալից վայրկեաններին այս կամ այն հեղինակն էր տոն տալիս բուռն գէպերին, ուղղութիւն տալիս հասարակական հոսանքներին՝ իր գերեզմանից, իր յաւիտենական բնակարանից: Նրանց գրքերը նոր կեանքի և նոր հասարակութեան աւետարանները դարձան...

Վարելի է անշուշտ առաջ տանել պատմական հետախուզութիւնը և հարցնել թէ՛ հապա իրենք, այդ գրականութեան ներկայացուցիչները ի՞նչ պայմանների ծնունդ էին: Այս հետախուզութեան մէջ էլ, սակայն, տնտեսական-նիւթական պարագաներից զատ՝ մենք կը հանդիպինք գաղափարական տարրերի, իդէական հիմքերի և անհատական գործօնների... Եթէ այս վերջին պայմանների պայմանները ևս քրքրելու լինենք՝ դարձեալ նոյնը. միշտ գասակարգային-տնտեսականի կողքին գաղափարական իդէականը. միշտ առարկայականի հետ ենթակայականը, անհատականը՝ նախնական պատմականն է միայն, առաջին պատճառը բոլոր երեւոյթների, որի մասին գիտութիւնները լուում են, որի նկատմամբ խօսք չունի նաև ընկերաբանութիւնը:

Եւ այսպէս, բացայայտ է գրականութեան ազդեցութիւնը հասարակական երեւոյթների վրայ: Մեր կեանքի մէջ ևս կարելի է գտնել այս ճշմարտութիւնն ապացուցանող օրինակներ: Ցակաւին գրած չէ մեր յեղափոխական շարժումների պատմութիւնը, թայց և այնպէս, հաստատ կերպով կարելի է պնդել, որ այդ շարժումների վրայ մեծ ներգործութիւն է ունեցել հայ գրականութիւնը:

Մի Աթոլեան, մի Նալլանդեան, մի Ստեփան Ոսկան, մի Բաֆֆի, մի Պատկանեան, մի Ծերենց և շատ ուրիշները աւարիների ընթացքում մթնոլորտ պատրաստեցին, սերունդներին գիտակցութիւն հաղորդեցին և այս բարոյական մթնոլորտի մէջ դաստիարակած ժողովուրդն էր, որ յեղափոխութեան դիմեց իր դարաւոր և մարդկային իրաւունքները պաշտպանելու համար:

Այստեղ մենք չենք ծանրանում մեր կեանքի և մեր գրականութեան փոխադարձ յարաբերութեան վրայ: Եթե մենք շարունակութեան մէջ մենք բաւական մանրամասն պիտի շօշափենք այդ խնդիրը: Առայժմ հարցի յիշատակութեամբ միայն մենք կ'ամեցանք ընթերցողի երեւակայութիւնն ամբողջացնել և ցոյց տալ, որ Ֆրանսիական միջավայրից դուրս ուրիշ տեղ էլ նոյն երեւոյթը նկատելի է...

Բնական աշխարհի մէջ ևս բացատրութեան նոյն մեթոդն է տիրապետում,—որոնք երեւոյթների առաւել կամ նւազ մերձակայ պատճառները և չտարելի մետաֆիզիքական պատրանքներով Ծովի ափին ապրում էր մի ողորմելի բուսական: Ալիքները ուժգնութեամբ թափւեցին նրա վրայ և խորտակեցին նրա կեանքը: Բուսականի մահուան պատճառը ալիքները եղան, ուրեմն: Բայց նկատեցէք, որ ալիքների գոյութեան խնդիրը ևս կարելի է հետազոտութեան նիւթ դարձնել: Փոթորիկ, օդի հոսանք, բնութեան խաղեր, և եթէ կ'ամենանք ալիքների վերջնական աղբւրը գտնել, որքա՞ն պէտք է խորանանք դէպի տիեզերական շարժումները, դէպի հեռւոր ու անծանօթ բաղնիքները:

Այս ճանապարհով ոչինչ չի կարելի մեկնաբանել և երեւոյթները—լինին նրանք բնական թէ հասարակական—միշտ էլ մշուշի մէջ կը մնան...

Սօցիալական կեանքի գանազան ձևերը, միջավայրի ոգին, ժամանակի տրամադրութիւնները հաղորդւում են գրականութեան, որքան էլ այդ գրականութիւնը անհատական գունաւորում ունենայ, որքան էլ նրա մէջ ենթակայական տարրերը տիրապետող լինին: Հեղինակները գրական ստեղծագործութիւնների վրայ գնելով իրենց հոգու կնիքը՝ գնում են նաև շրջապատող կեանքի դրոշմը: Անգամ գրականութեան այն տեսակները, որոնք գերազանցապէս անհատական են—երգերը, բանաստեղծութիւնները, դրամաները, լիրիքական զեղումները—ազատ չեն սօցիալական տարրից: Ամեն տեղ ուշադիր վերլուծողը կարող է գտնել հասարակական ձայնի արձագանքը և սօցիալական կառուցածքի արտացոլումը: Նախնական ժամանակների ուսումնասիրութեան համար՝ յաճախ դիմում են գրական այն յիշատակարաններին, որոնք արտադրւած են անցեալում և որոնք որեւէ կերպ մեզ են հասել: Շատ թուով մի հատիկ պոէմա, մի բանաստեղծութիւն, մի երգ կարող է լոյս սփռել հինաւորաց հասարակական յարաբերութիւնների վրայ և ցուցահանել նախնական միջավայրի մէջ բնորոշ կողմը, մէկ առանձնայատուկ գիծը: Հեղինակներն ապրելով որոշ ժամանակում և որոշ միջավայրում չեն կարող նետուել, դուրս գալ իրենց շրջապատից բացարձակապէս: Նրանց երկերը, նրանց խոհերը, նրանց յոյզերը սնունդ են այն մթնոլորտում, ուր ապրում է ստեղծագործողը: Եւ այս մթնոլորտի ընդհանուր կերպարանքը միշտ փոխանցւում է գրականութեան:

Կարելի է մի հասարակական զարգացման ընթացքը որոնել գրականութեան մէջ: Կարելի է մի ժողովրդի սօցիալական բնաշրջումը, էությունը նկատել գրականութեան մէջ: Կարելի է մի ազգի քաղաքակրթութեան ընդհանուր պատկերը նշմարել այնտեղ: Անշուշտ, բոլոր գրականութիւնները միևնոյն ծաւալով չեն արտայայտում հասարակական կեանքը: Անշուշտ, սօցիալական տարրը հաւասար քանակութեամբ չէ ցուանում բոլոր ազգերի և բոլոր անհատների ստեղծագործութիւնների մէջ: Ազգային և անհատական տարբերութիւններ միշտ կան, ինչպէս ուրիշ ասպարիզում, այնպէս էլ այս խնդրում: Ֆրանսիական և ռուսական գրականութիւնները աւելի են արձագանքել հասարակական ձայնին, բան, օրինակ, անգլիական և գերմանական գրականութիւնները: Ազգերի պատմութեան ընթացքը, ներքին պայմանների համագումարը կարող են այս կամ այն ձևը, այս կամ այն առանձնայատուկութիւնը տալ իրենց գրականութեան: Բայց բոլորն էլ—մէկը քիչ, միւսը շատ, մէկը ուղղակի, միւսն անուղղակի—այսպէս թէ այնպէս անդրադարձնում են ժամանակի ոգին և սօցիալական վիճակը:

Հայոց գրականութիւնը—Ֆրանսիականին և ռուսականին նման—շատ է զբաղւել հասարակական խնդիրներով: Տասնիններորդ դարի մեր սօցիալական բովանդակ կեանքը, կարելի է ասել, ցոլացել է գրականութեան մէջ: Հասարակական գաղափարներ, հասարակական սկզբունքներ, հասարակական իդէալներ տեղ են գտել այնտեղ բաւական ուղղակի կերպով: Մեր նորագոյն քաղաքակրթութեան պատմութիւնը, մեր դասակարգերի փոխադարձ յարաբերութիւնները, մեր բարոյական աշխարհահայեացքը, մեր քաղաքական ըմբռնումները—այս բոլորը հանդէս են եկել գրական երկասիրութիւնների մէջ: Ընկերաբանը այդ գրական յիշատակարանները բնելով, վէպերը, բանաստեղծութիւնները, դրամաները վերլուծելով՝ կարող է բաւականաչափ ճիշտ գաղափար կազմել հասարակական այն բնաշրջման մասին, որ իրագործւեց մեր ժողովրդի կեանքում, վերջին հարիւրամեակի ընթացքում: Նա այնտեղ կը տեսնէ, թէ ի՞նչպէս է կամաց-կամաց առաջանում հասարակական միտքը, թէ ի՞նչ ազդեցութիւններ է կրում և թէ ի՞նչ ճանապարհ է անցնում: Նա այնտեղ կը տեսնի այս կամ այն սօցիալական իդէալի, այս կամ այն սօցիալական աշխարհահայեացքի ծագումն ու զարգացումը:

Մեր գրականութեան ուսումնասիրութիւնը ցոյց կը տայ, թէ ժամանակակից մեր քաղաքական, տնտեսական ըմբռնումները ի՞նչ նախնական ձևից են սկզբնաւորւել, ի՞նչ պարզ գաղափարից են մեկնել և ի՞նչ սաղմից են ծագում առել: Այն, ինչ որ այսօր մեզ նոր միտք է երևում, այն, ինչ որ վերջին տասնամեակի արդիւնք ենք կրթում՝ աւելի հասակաւոր և աւելի հին գուրս կը գտնուի Սերունդները միմեանց յետևից—այս կամ այն ձևի առկա, այս կամ այն գունաւորում—հասկացողութիւններ են արտադրել, միմեանց վրայ հաւաքել և իբրև բարոյական մթերք յետնորդ սերնդին կտակել: Իբրև բարոյական ժամանակ, իբրև անցիւր պատմական շրջան իր առանձնայատուկ կնիքն է դրել գաղափարների վրայ, իր որոշ ձևը, իր անհատական կերպարանքը: Այսօր, ժամանակակից սկզբունքները պատմական վերլուծութեան ենթարկելով՝ շատ յաճախ նրանց հիմքերը

գտնում ենք մի քանի տասնամեակ առաջ, մեր երախտաւոր հեղինակների երկասիրութեանց մէջ, արտայայտւած այս կամ այն ձևով...

Անցած սերունդները քաղաքակրթական և միաժամանակ հասարակական ահագին գործ են կատարել: Շատ բան մեզ այժմ դիւրին է երևում: Շատ միտք, շատ գաղափար մեզ այսօր տարրական է թւում: Բայց այդ տարրական ճանաչածները, նրանք, որոնք մեր բացարձակ գնահատութեան առջև փոքրիկ ու աննշան են կարծւում հիմա՝ պատմական զարգացման ճանապարհի վրայ մեծ կարևորութիւն են ներկայացրել: Այսօր մեզ համար բնաւ վէճի առարկայ չէ և հայ աշխարհի բոլոր ծայրերում էլ ընդունւած է այն պարզ միտքը, որ նոր գրականութիւնը ժողովրդին հասկանալի լեզուով պիտի գրել, գրաբարի փոխարէն աշխարհաբար պէտք է գործածել... Սակայն այս պարզ ճշմարտութիւնը մարդկանց հասկացնելու համար, սրանից ընդամենը յիսուն տարի առաջ, այնպիսի ճակատագրական պատերազմ է մղել ժամանակի մեր յառաջագեմ երիտասարդութիւնը: Մի Աբովեան խորապէս ցնցող և եղբրականօրէն դառն հոգեբանութիւն ունեցաւ այդ գաղափարի համար: Մի համոզւած ու տաղանդաւոր վերանորոգիչ, որ հարկադրւած էր արցունքով պաշտպանել նոր լեզուի իրաւունքը: Մի նալբանդեան իր երկաթէ տրամաբանութիւնը, իր բազմակողմանի զարգացումը, իր անսահման եռանդը և իր թանկագին տարիները ստիպեցաւ մեծ մասամբ այդ նպատակի համար գործադրել: Այսօրայ սերունդը վայելում է այն բարոյական ժառանգութիւնը, այն նշանակելի յաղթանակը, որի վրայ Աբովեանների ու Նալբանդեանների կեանքն է մաշել: Գաղափարները դանդաղ են մտնում ժողովրդային ընդհանուր գիտակցութեան մէջ. սկզբունքները ծանր գնով են հասարակութեան սեփականութիւն դառնում: Եւ ամեն մի միտք, ամեն մի ճշմարիտ գաղափար, որքան էլ նա ըստ երեւոյթին «փոքրիկ» լինի ու «երկրորդական»՝ այնուամենայնիւ բնաշրջման դժեղակ ճանապարհի վրայ իր պատաւոր տեղն ունի և իր պատմական նշանակութիւնը: Այսպիսի փոքրիկ ու երկրորդական գաղափարներով լիքն է տասնիններորդ դարի ռուսահայ գրականութիւնը: Այդ գաղափարներն են մեծացել, լայնացել և յետագայում մեր կեանքի անգոյն միակերպութիւնը փոխել...

Մեր հասարակական մտքի զարգացման գործում, մեր սօցիալական հոսանքների զտման խնդրում՝ չափազանց ուշագրաւ մասնակցութիւն են ունեցել նախորդ սերունդները: Եթէ այսօր հայ կեանքի մէջ դուրս են եկել քաղաքական-տնտեսական կուսակցութիւններ, արմատական հայեացքներով, յեղափոխական ոգով և ընկերվարական իդէալներով և եթէ նրանք կարողանում են ապրել, դեր խաղալ, կողմնակիցներ ունենալ՝ չպիտի կարծել, թէ այդ բոլորը երէկանից սկսեց: Չպիտի կարծել, թէ այդ կուսակցութիւնները պարտական են միմիայն իրենց ուժերին և ժամանակակից կեանքի անմիջական ազդեցութեան: Երկար տարիների ընթացքում գրականութեան միջոցով հասարակական աշխատանք է կատարւել: Ցաղանդաւոր ու պայծառատես հեղինակների արագորած մի վէպը, մի բանաստեղծութիւնը, մի յօդւածը ի դուր չէ անցել: Նրանք որոշ արժէք են վացրել

կեանքի մէջ, որոշ ազդեցութիւն են ունեցել մտքերի կազմակերպութեան վրայ: Այն ներքին, մտային գործունէութիւնը, այն հասարակական գիտակցութիւնը, որի մասին խօսեցինք գրականութեան և կեանքի յարաբերութիւնը քննելիս՝ պատրաստել է և ձևաւորել երկար ժամանակի ընթացքում: Նա միայն այսօրայ ստեղծագործութիւն չէ, միայն ներկայ պայմանների ծնունդ չէ: Նրա վրայ մեծ երախտք ունին մի Աբովեան, մի Նալբանդեան, մի Բաֆֆի... Մի քանի սերունդների հաւաքական գործունէութեան հետեանք է նա:

Այստեղ է գտնւում գաղտնիքը այն բարոյական յաջողութեան, որ ունեցան վերջին տարիների արմատական կուսակցութիւնները: Այստեղ է գտնւում բանալին այն մեծ ժողովրդականութեան, որ բաժին ընկաւ մեր ժամանակի յեղափոխական-ընկերվարական հոսանքին: Զուտ նիւթական պայմանները և մեր կեանքի առարկայական հանգամանքները՝ առանց այդ նախնական, գաղափարական աշխատանքի՝ չէին կարող միմիայն իրենց ներգործութեամբ ծնունդ առլ այնչափ ընդարձակ մարմինների և խորիսխ դառնալ այնքան ժողովրդական շարժումների...

Մի շարք յօդւածներով մենք մտադիր ենք ներկայացնել մեր հասարակական մտքի զարգացման շրջանները այնպէս, ինչպէս նրանք երևան են եկել ռուսահայոց գրականութեան մէջ: Պիտի աշխատենք վեր հանել սօցիալական այն տարրերը, որոնք տեղաւորւել են այս կամ այն գրական երկասիրութեան մէջ: Պիտի փորձենք որոնել այն հիմքերը, որոնց վրայ կառուցւած է մեր ժամանակի սօցիալական աշխարհահայեացքը և վերլուծել այն հասարակական իդէալները, գաղափարները, սկզբունքները, որոնք ցոլացել են արեւելեան հայոց գրականութեան մէջ: Միշտ լաւ է, որ ժամանակակից սերունդը իր նախորդ սերունդների աշխատանքը կարողանայ լաւ տեսնել և արդարութեամբ գնահատել: Եթէ չլինի սերունդների այս ներքին բարոյական կապը, եթէ չլինի սերունդների հոգեկան-գաղափարական հաղորդակցութիւնը՝ քաղաքակրթութիւնը անիմաստ տառ կը մնայ և յառաջդիմութիւնը անբովանդակ հնչիւն:

Իւրաքանչիւր մի ժամանակ, իւրաքանչիւր մի սերունդ բնաշրջման երկար ճանապարհի վրայ իր գործունէութեան պտուղն է դնում: Որքան էլ համեստ լինի այդ պտուղը ինքնըստինքեան, առանձին վերցրած՝ այնուամենայնիւ նրանց համագումարն է, որ կոչւում է պրօգրէս...

Մենք կանգ չենք առնի ռուսահայ գրականութեան բոլոր ներկայացուցիչների վրայ: Այդպիսով մեր աշխատանքը չափազանց կ'ընդարձակւէր և թերեւ ծանրաբեռնէր երկրորդական մանրամասնութիւններով: Մենք կը ներկայացնենք միայն այն հեղինակների գործերը, որոնք հասարակական մտքի զարգացման ընթացքում հիմնական, կենտրոնական դեր են խաղացել: Նրանք, որոնք իբրեւ զուտ գեղարուեստագէտներ առաջնակարգ նշանակութիւն ունին, բայց և որոնք սօցիալական գաղափարների կազմաւորման չեն մասնակցել՝ մեր յօդւածներին նիւթ չեն դառնալ: Բացի այդ՝ չենք կարող խօսել նաեւ բոլոր այն մատենագիրների մասին առանձին-առանձին, որոնք հասարակական իդէալներ են յղացել և քաղաքացիական երկեր արտադրել...

Մենք կանգ պիտի առնենք ժամանակաշրջանների վրայ և պիտի ձգտենք իւրաքանչիւր ժամանակաշրջանի ընդհանուր վաստակը վերլուծել: Եւ եթէ մի հեղինակ կարողացել է իր ժամանակի հիմնական մտքերի ամբողջական արտայայտիչը լինել, իր մէջ խտացնել դարի սօցիալական գաղափարներն ու հասարակական իդէալները՝ մենք, կրկնութիւններից խուսափելու համար, կանգ կառնենք միայն նրա երկասիրութիւնների վրայ և այդպէս կը գծենք ընդհանուր էւօլիցիան...

Այս բնաշրջանի մէջ թերեւս կարելի լինի ընդշմարել այն հիմքերը և աղբիւրները, որտեղից սկզբնաւորուում է մեր ժամանակի այս կամ այն գաղափարը: Անշուշտ այս պարագան չի կարող նւագեցնել ներկայ սերնդի խոշոր գործը և ոչ էլ սուեր նետել այն հիմնական նւաճումների վրայ, որ իրականացրել են ժամանակակից քաղաքական-տնտեսական կուսակցութիւնները: Ընդհակառակը, մեր խորին համոզմունքով, որքան մի աշխարհահայեացք, որքան մի գաղափար պատմական հիմնաւորում ստանայ և օրգանապէս կապւի նախորդ գաղափարների հետ՝ այնքան ամուր կը լինի նա և նրա դերը, այնքան աւելի խորունկ ու նշանակալից:

Մեր ժամանակի կուսակցութիւնները այնքան աւելի կենսունակ, այնքան աւելի ժողովրդական և այնքան աւելի առողջ կը մնան, որքան աւելի պատմական հող ունենան իրենց ոտքերի տակ...

«ՍԵՊԱՐԱՏԻԶՄ»

ԱՅԽԱՅԱԻՈՐԱԿԱՆ ԾԱՐԺՄԱՆ ՄԵԶ

(ՆԱՄԱԿ ՎԻԷՆԱՅԻՑ)

I

Մի նոր երևոյթ է ծայր տալիս Աւստրիայի աշխատաւորական շարժման մէջ, որ արժանի է խորունկ ուշադրութեան:

«Սեպարատիզմ», ազգային աւելատականութեան երևոյթը:

Նրան, ըստ երևոյթին, վերապահւած է որոշ դեր խաղալ այսուհետեւ ամբողջ միջազգային ընկերվարական շարժման մէջ. նա այժմից իսկ անդրադառնում է սօցիալիստական մտածողութեան վրայ նաև Աւստրիայից դուրս, այժմից իսկ բուռն յուզմունք է յարուցանում ընկերվարական միջազգային գրականութեան մէջ: Նրանով զբաղւեց փոթորկալի նիստերում՝ Կոպենհագենի միջազգային Համագումարը. նրանով զբաղւեց, կարելի է ասել, ամբողջապէս նրան ներկայ և մօտ անցեալում տեղի ունեցած Ինտերնակի աւստրիական (գերման-սօցիալիստ) կուսակցաժողովը: Վիեննայի աշխատաւորական պաշտօնաթերթը և թէօրիական «der Kampf» ամսագիրը ամիսներից ի վեր ծեծում են խնդիրը, այժմ էլ ահա հանդէս եկաւ «die Neue Zeit»-ը, Կարլ Կառլսկը մի մեծ յօդուածով, նոյն հրատապ խնդրի առթիւ, որ քանի գնում աւելի և աւելի մատանջում է սօցիալիստական պարագլուխներին:

Ինչո՞ւմ է խնդիրը: Յայտնի է, որ Աւստրիան արեւմտեան Եւրոպայի մէջ յղասական երկրի՝ հռչակ է

վայելում ազգայնական հակամարտութեան և ազգային պայքարների տեսակէտից: Յայտնի է և այն — յայտնի էր գոնէ մինչև այս «նոր երևոյթի» աշխարհ գալը — որ Աւստրիական Սօցիալ-դեմոկրատիան (ընկերվարական կուսակցութիւնը) գտել էր միակ ու լաւագոյն բանալին ազգային յաւիտենական կնճռի լուծման համար, նա հռչակել էր ապակենտրոնացում և ազգերի ինքնօրինութիւն, նա իրականացրել էր նոյն սկզբունքը իր ներքին կազմակերպութեան մէջ:

Եւ նա դրանով մի հրահանգից օրինակ էր տալիս ուրիշ, բազմացեղ և բազմալեզու երկրների ընկերվարական կուսակցութիւններին:

Մինչ, օրինակ, Ռուսաստանի Սօցիալ-դեմոկրատիան (ռուս մարքսիստների կուսակցութիւնը) ծրագրում էր, յեղափոխական ազատ օրերում, ստեղծելու համառուսական կարգերի և մասնաւորապէս աշխատաւորական շարժման համար ամենասերտ կենտրոնացումն, մինչև նա ձգտում էր ամենազօր մի կենտրոնի ղեկավարութեանը մատնել ամբողջ հսկայ կայսրութեան ալլացեղ ու ալլաբառառ ժողովուրդների ընկերվարական գործունէութիւնը, — Աւստրիայի սօցիալիստները, աւելի զգաստ, աւելի զարգացած և փորձառու՝ կիրառում էին իրենց ալլատարր, խայտաբղետ միջավայրում ազգային ինքնօրինութեան ու ֆէդէրատիւ (դաշնակցութեան) սկզբունքը, որի համեմատ՝ չեխ, լեհ, ռուսին, իտալացի, գերմանացի և այլ սօցիալիստ մարմինները կազմակերպւում ու գործում են՝ իւրաքանչիւրը իր ազգային-լեզւական միջավայրում, իւրաքանչիւրը անկախ, ինքնագլուխ վարում է իր ներքին պրօպագանդն ու ամբողջ ալլազան աշխատանքը, բայց և բոլորն էլ շարժապատկեր են մնում փէդերատիվ, դաշնակցական կապերով, ներկայանում են թէ ներքին թշնամու — կապիտալիզմի — և թէ արտաքին աշխարհի առջև՝ իբրև մէկ մարմին, միաբան, համերաշխ, նոյն փրկարար վարդապետութեան դրօշը բռնած, նոյն վերջնական նպատակին ձգտող:

Երբ ազատ օրերի մէջ Հ. Յ. Դաշնակցութեան օրգանները, հրահանգւած կուսակցութեան երկարամեայ ապակենտրոնական դաւանանքից ու փորձերից, մի կողմն էին նետում ռուս սօցիալ-դեմոկրատների այդ վնասակար կենտրոնացման զաւանցանքը, մեզ պատասխանում էին — միշտ նոյն սիմպլիստ, պարզունակ պատճառաւորութեամբ — թէ այդ կենտրոնացումը միակ փրկութեան խարխիւն է, թէ նա միայն կարող է ձուլել բոլոր ազգերի պրօլետարիատներին ու սօցիալիստ հատուածներին մէկ միաձուլ, ամենազօր մարմնի մէջ, թէ նա միայն կարող է ստեղծել բովանդակ Ռուսաստանի մէջ հզօր, ամբողջական ընկերվարական շարժում՝ ընդդէմ քաղաքական և սօցիալական տիրող կարգերի:

Շատ ցած էին գնահատում ռուս մարքսիստները ազգայնական պրօբլեմը, նրանք կանգնած էին դեռ 1848-ի «Կոմունիստական մանիֆէստի» տեսակէտի վրայ. «աշխատաւորը հայրենիք չունի»... Շատ երեսանց էին շօշափում նրանք ազգերի միջև կատարող դարաւոր հակամարտութիւններն ու վէճերը — հակամարտութիւններ՝ մանաւանդ իշխող և հպատակ, մեծ ու մանր ազգերի միջև... որոնք անխուսափելիօրէն անդրադառնում են նաև աշխատաւոր դասա-

կարգերի հոգեբանութեան վրայ, որոշադրում են յայտնի տակտիկ, գործելակերպ:

Ժամանակը գալիս է միշտ նորանոր ապացոյցներով ն իրագործելու ապակենտրոնացում և ֆէդէրացիա բարոզող կուսակցութիւնների գործելակերպը:

Եւ ահա դարձեալ մի նոր փաստ:

Չեխերի սեպարատիզմը:

Ապակենտրոնական սկզբունքի վրայ կառուցած աւստրիական Սօցիալ-դեմոկրատիան մէկ կէտում միայն պահպանել էր մինչև օրս կենտրոնացում, այն է՝ արհեստակցական կամ սինդիկատային շարժման մէջ: Մէկ կենտրոնական գանձարան ու բիւրօ և մէկ կենտրոնական վարիչ մարմին՝ ամբողջ Աւստրիոյ համար: Կենտրոնացումը արհեստակցական գործունէութեան մէջ պատճառաբանում է նրանով, որ այդպէս շատ աւելի դիւրին կերպով և ազդու կերպով կարելի է մղել ամբողջ Աւստրիոյ աշխատաւոր ընդհանրութեան պայքարը — գործադուլներով, բոյկոտներով և այլն — ամբողջ Աւստրիոյ կապիտալիստ ընդհանրութեան դէմ:

Եւ ահա այստեղ ևս ցցւեց ազգային մշտադաւար կնճիռը: Չեխ սօցիալիստների և աշխատաւորութեան միմաստ անջատւեց համապետական կենտրոնից և իր սօցիալիստական հաւատամքն ամուր շեշտելով հանդերձ՝ յայտարարեց, որ չեխ աշխատաւորների համար ձեռնտու և ցանկալի է՝ կազմակերպել նաև արհեստակցական գործունէութիւնը իրենց ազգային շրջանակներում, թէ նրանք այդտեղ ևս ուղում են լինել ապակենտրոնական: Եւ նրանք ձեռնակերպեցին մի շարք գանձարաններ: Նրանք հասկացրին ի միջի այլոց, թէ չեխ պրօլետարիատի դրամական առատ տուրքերը համաւստրիական սինդիկատային կենտրոնի գանձարանը թափւելով՝ չեն գործադրում ցանկալի չափով ու ձևով՝ յօգուտ նոյն չեխ պրօլետարիատի:

Այդ անջատումն էր, որ բաց արեց աւստրիական սօցիալիստների առջև տենդային բանակութիւնների, վէճերի ու ընդհանրութեան մի նոր շրջան:

Չեխ պրօլետարիատի դերը և կշիռը ահագին է աւստրիական սօցիալիզմի կեանքում: Բոհեմիան — չեխերի հայրենիքը — ամենահարուստ արդիւնաբերական վայրերից մէկն է, տակաւին միջին դարերից: Եւ չեխ աշխատաւորութիւնը իր կրթած առաջնորդներով, իր ընդարձակ կազմակերպութեամբ և իր կուռ դիւսիպլինով՝ միջազգային սօցիալիզմի լուսագոյն վաշտերից միին է: Այդ պատճառով և չեխական անջատականութիւնը, սեպարատիզմը այնքան յուզմունք պատճառեց դրսի սօցիալիստ շարքերին: Ն է մէջ, չեխ սօցիալիստների պարագլուխը, որ անդամ է Միջազգային Սօցիալիստական Բիւրօի, գլուխ է կանգնած այդ անջատական շարժման: Վերջինը սկսում է արդէն վարակել, տարածւել: Նա վարակում է Գալիցիայի բուսիններին:

Ամենից ուժգին զարկում է ահակոշակը՝ Աւստրիոյ գերմանացեղ սօցիալ-դեմոկրատիան: Նորածին «սեպարատիզմը» նա համարում է մի զարհուրելի, աւերիչ վտանգ: Նոյն ձևով է որակում և Կարլ Կառլսկի Ինչպէս որ — ասում է նա — բակունիզմը կործանեց հին Ինտերնացիօնալը, այնպէս և այս սեպարատիզմը կարող է կործանել նոր Ինտերնացիօնալը:

Ամենից առաջ ընկճւած են անակնկալ երևոյթի հան-

դէպ՝ ծերունի Ադլեր և Պերներստօրֆեր, որոնք երկար տարիներից ի վեր, իբրև գլխաւոր հիմնադիրներ (մանաւագ առաջինը) աւստրիական Սօցիալ-դեմոկրատիայի, փայփայել էին այն երջանիկ պատրանքը, թէ իրենք աջողել են, վերջապէս, ստեղծել Աւստրիոյ նման Բաբելոնում ի դէպ — սօցիալիստական կազմակերպութիւնը՝ ազգային և միանգամայն միջազգային հողի վրայ: Թէ իրենք աջողել են, վերջապէս, դուրս վտարել սօցիալիստական շարժումների աւազանից ազգայնական բաղխումների ուրւականը և օրինակ տալ աշխարհին ազգայնական կնճիռների ամենագիւրին լուծումով...

Ի՞նչ է աստուղը այս նոր հերձակի և ինչպէ՞ս են պատճառաբանում հակամարտ կողմերը — մենք այդ մասին հանգամանօրէն կը խօսենք: «Իրօշակ» ի առաջիկայ համարի մէջ, աշխատելով — ինչպէս ամեն ուրիշ պարագայում — կանգնած մնալ օրհնակով դիտողի դիրքում: Երբ խնդիրը եկաւ Կոպենհագի Համաժողովի առջև՝ մենք ձեռնպահ մնացինք ֆինլանդացի սօցիալիստների հետ, մինչ գրեթէ ամբողջ Ինտերնացիօնալը դատապարտեց չեխ սօցիալիստների ու աշխատաւորութեան անջատումը և նրանց ազգային ինքնօրինութեան պահանջը սինդիկատային գործունէութեան մէջ: Եւ դրան ի պատասխան՝ չեխերը յայտնեցին մի ծանր մեղադրանք — թէ Ինտերնացիօնալի վճիռների մէջ՝ տոն են տալիս և ճնշող դեր են կատարում մեծ ազգերը...

Բացատրել արդեօք նոր երևոյթը՝ չեխ սօցիալիստների հերձակածով ոգով ու նեղմիտ ազգայնամոլութեամբ, չօվինիզմով: Այդպէս են մտածում շատ շատերը: Դժուար թէ, սակայն, հնարաւոր լինի լիովին ու արդարամիտ բացատրութիւն տալ լոկ միայն այդ պատճառաբանութեամբ: Հարկ է փոքր ինչ ծանօթանալ իրողութեան հետ:

Յամենայն դէպս այդ վշտառիթ փաստը, որ այսօր ուժգնօրէն ալեկոծում է սօցիալիստական կեանքը աւստրիական կայսրութեան մէջ, որ վաղը թերևս կ'ալեկոծէ բովանդակ Ինտերնացիօնալը — դա մի նոր ապացոյց է՝ թէ որքան կենսունակ, յամուռ ու տոկուն է ազգայնական համայնակեցութեան բնազդը, թէ որքան նա ուժեղ է դասակարգային զգացումներից և թէ որքան, հետևապէս մոլորւած էին, ուտօպիստ էին մարքսիզմի հիմնադիրները և նրանց մոլեռանդ յաջորդները, երբ տասնեակ տարիներ առաջ, փիլիսոփայական անդորր ու վարդապոյն ներշնչւածով գուշակում էին ազգային խտրութիւնների մօտալուտ անհետացումը տիեզերական թատերաբեմից և հռչակում էին բանւոր-պրօլետարներին իբր միանգամայն «ազատագրւած» ազգայնական կուռքերի պաշտամունքից, միանգամայն համաշխարհահայտնացած, ապազգայնացած... «Բանւորները հայրենիք չունին»։ *Ubi bene, ibi patria...*

Ք Ա Ղ Ա Ք Ա Կ Ա Ն

ՊԱՐԼԱՄԵՆՏԱԿԱՆ ԸՆՏՐՈՒԹԻՒՆՆԵՐԸ ԳԵՐՄԱՆԻԱՅՈՒՍ

«Անակնկալները» պէտք է միշտ հաշի առնել պատմական էւօլիւսիօնի մէջ: Երկար, անդուլ, ստորերկրեայ աշխատանքից ու բնաշրջումից յետոյ, իբրև հետևանք

այդ բնաշրջման և ոչ իբրև հրաշք, պատահար՝ մեկէն ի մեկ դուրս են ժայթքում նրանք—այդ հսկայ, ուրախառիթ «անակնկալները» — և խարխուլում, սասանեցնում են հնութեան ու փտութեան կառուցածքը...

Ահա Զինաստանը հանրապետական... և ահա 110 սոցիալիստ, ընկերվարական՝ Գերմանիայի ազգային Պատգամաւորական ժողովի մէջ — Ռայխստագում՝ Պատգամաւորների ընդհանուր թիւը 397 է, և ուրեմն գրեթէ մի երրորդ մասը կազմում է ընկերվարական կուսակցութիւնը...

Ֆրիդրիխ Էնգելս մարգարէացել էր անցեալ դարու 90-ական թւականներին — սոցիալիզմի սրարշաւ առաջ-խաղացութեան հանդէպ — թէ ընկերվարական հասարակարգը պիտի գայ շուտով, շատ շուտով, մինչև 20—25 տարին: Երիտմիտ պատրանքը մեծ տեղ ունէր, ի հարկէ, այդ հապշտապ մարգարէութեան մէջ, սակայն իրաւ է, որ սոցիալիստական իդէալի իրագործումը գուցէ շատ էլ հեռու չէ... Ո՞չ գիտէ, գուցէ մենք կը տեսնենք ձեզ հետ, ընթերցող:

Սոցիալիզմի վերջին յաղթանակը Գերմանիայում մի ահագին իրողութիւն էր, որ ցնցեց ամբողջ բուրժուազական մարդկութիւնը: Գերմանական սոցիալ-դեմոկրատիան արեւ էր մի քանի անգամ հսկայ և հպարտ թռիչքներ, բայց այսպիսին չէր եղած: Ոչ որ, ոչ իսկ խանդավառ ու լաւատես Բեքէլըն ու Վաուցկին կարող էին գուշակել այսպիսի աշողութիւն: Գիտէին, որ դժգոհութիւնը խուլ որոտում է գերմանական ժողովրդի տմե-նալայն խաւերի մէջ: Գիտէին, որ Վիլհելմի ձախողակ, միապետական ոստիւնները և կանցլերի անկարող, պահպանողական ընթացքը նետել էր զանգաւածները դէպի ձախ, բայց այս աստիճան — չէին կարող նախագուշակել:

Մօտ 14 միլիոն ընտրողներից — գրեթէ 4 1/2 միլիոնը սոցիալիստ: Այդ թիւն է իսկական չափանիշը և ոչ սոցիալիստ պատգամաւորների քանակը պարլամենտում: Իսկ այդ թիւը, սոցիալիստական ընտրողների թիւը, աճում է միշտ, աճել է շարունակ, անընդհատ, սկսած 1870-ից: Եւ եթէ տիրէր համեմատական ընտրութեան սխտեմ՝ սոցիալիստ պատգամաւորների թիւը շատ ավելի մեծ կը լինէր:

Ահա մի իրողութիւն, որ չափազանց պերճախօս է: Եւ, սակայն, իշխողները տակաւին օրօրում են պատ-րանքով թէ ընկերվարական հոսանքը յարատեւ չէ, թէ նրանք վաղ թէ ուշ պիտի կարողանան յաղթահարել կարմիր Հիդրան... Վերջին ահարկու յաղթանակների դիմաց՝ բուրժուազիայի և պահպանողականութեան օր-գանները սփոփում են իրենց, յայտարարելով թէ այդ միլիոնաւոր ձայները սոցիալիստ չեն, այլ սոսկ դժգոհ-ներ արդի կարգերից, սոսկ մոլեգնոտ ցուցարարներ միա-պետական ու կղերական ռէժիմի դէմ: Նրանք պնդում են — ոմանք բռն, ուրիշները կեղծ, շինծու միամտու-թեամբ — թէ սոցիալիզմի այդ վիթխարի յորձանքը վե-րագրելի է կանցլերի (նախարարապետի) անընդունակ ու անշնորհք բաղադրականութեան, թէ յորձանքը յետ կը նահանջէ, սոցիալիստ ընտրողների թիւը կը նւազէ՝ երբ Բեթման-Հոլվեգի տեղ վերստին կը թափվէ նախկին կանցլերը — Բիւլօվ:

Ի՞նչ էր արել այդ Բիւլօվը: Երկար տարիների իր միջնորդութեան միջոցին թափել էր քափ ու քրտինք,

դիմել էր ամեն տեսակ հնարքների՝ ընկերվարութեան ուժերը խորտակելու համար: Նա գլուխ էր բերել հըռ-չակաւոր «բլօկ», կազմած ալլազան, հակամարտ տար-րերից՝ պահպանողականներից և ազատական լիբերալ-ներից: Նա ձգտել էր այդ տարածքի բլօկի միջոցով մահացու հարւածներ տալ մի կողմից կարմիր սոցիալ-դեմոկրատիային, միւս կողմից՝ կղերական կենտ-րոնին *) Նա ձգտել էր սրտը չափով «մօդեռնացնել» Պրուսիոյ պահպանողական ինկերութիւնը, մօտեցնել այն Անգլիայի տօրիներին, հարկադրել՝ ընդու-նելու գէթ մի քանիսը ժամանակակից բաղադրութեան և յառաջդիմութեան նշանաբաններից... Այդպէս էր նա կամենում հաշտեցնել կոնսերվատիզմը լիբերա-լիզմի, ազատականութեան հետ և այդպէս էր նա ձգ-տում պահպանել բլօկը: Սակայն, նրա ջանքերը խոր-տակեցին: Գերմանիայի պահպանողական հատաժը ցոյց տւեց ինքզինքը, որպէս միանգամայն յետամնաց, բարա-ցած մի էութիւն, որ բնաւ առնչութիւն չունի արդի քաղաքակրթութեան պահանջների հետ:

Ապահարզանը անխուսափելի էր երկու հակամարտ դաշնակիցների — ինկերների և ազատամիտների — միջև, և նա պայթեց առաջին խոշոր առիթով: Բիւլօվի կա-ռավարութիւնը ծրագրեց մի շարք նոր տուրքեր, որոնց թւում և ժառանգութեան տուրքը (Erbsschaftssteuer): Պահպանողականները կատաղաբար ըմբոստացան այդ ծրագրի դէմ և մանաւանդ ժառանգութեան տուրքի դէմ, որը պէտք է ծանրանար նրանց վրայ: Եւ քանի որ այդ հողի վրայ համաձայնութեան բլօկը չէր կարող այլ ևս յարատեւել, ուստի պահպանողական կուսակցու-թիւնը երես դարձրեց լիբերալներից և կազմեց մի նոր բլօկ՝ կղերական Անտրոնի հետ, որը նոյնպէս հակառակ էր նոր տուրքերին, քանի որ նա ևս խոշոր հողատէր ու արտոնատէր դասակարգերի ներկայացուցիչ է պար-լամենտում: Տապալեց Բիւլօվի հարկային նոր ծրագրերը և պարլամենտի նոր պահպանողական-կղերական մեծա-մասնութիւնը մշակեց նրա փոխարէն իր սեփական ծրա-գիրը... Նա պահանջում էր փոխարինել ժառանգութեան տուրքը մի շարք անուղղակի հարկերով (լուցկիի և այլ տարրական պէտքերի վրայ), որոնք ինչպէս յայտնի է, իրենց աւերիչ ծանրութեամբ ընկնում են աշխատաւոր և չքաւոր դասակարգերի վրայ:

Այդ աղաղակող անարդարութիւնը իր դերն ունե-ցաւ, անտարակոյս, վերջին ընտրութիւնների միջոցին: Այն օրերից ի վեր Գերմանիայի ձախտագիրը գտնւում էր այդ «սև-կապոյտ» բլօկի ձեռքին (der schwarz-bleue-Block, այդպէս են որակում կղերական-պահպա-նողական դաշնակցութիւնը): Իշխան Բիւլօվ ի վերջոյ հրաժարական տւեց, նրա տեղն անցաւ Բեթման-Հոլվեգ, մի մարդ, որ իր մտայնութեամբ կատարելապէս հա-մապատասխանում էր Ռայխստագի յետագէմ մեծա-մասնութեան: Եւ դա եղաւ Գերմանիայի ամենատխուր, ամենապահպանողական պարլամենտներից մինը:

Թագակիր Փանֆարօնը ևս քիչ գեր չխաղաց այդ յետաշրջման պրօցեսի մէջ: Նա սիրում է ըստ առաջնայն միապետական հովեր առնել, իբրև համոզած խնկարկու

*) Zentrum, կաթօլիկ, հին և ուժեղ կուսակցութիւն-ներից մինը Գերմանիայում, իր էութեամբ հակառակ ժա-մանակակից քաղաքականների ու իրաւակարգի:

„անձնական ուժերով“ և երբեմն խիզախում է նոյնիսկ դուրս գալ իր պատշաճ սահմաններից. այդպես եղաւ 1909-ի նոյեմբերին, երբ Վիլհելմ II-ի մի շարք բացբերան, վտանգաւոր յայտարարութիւնները — անգլիական մի նշանաւոր օրագրողի հետ տեսակցութեան միջոցին — փոթորիկ յարուցեց ամբողջ Գերմանիայում, պարլամենտը և հանրային կարծիքը ցատկով ծառացան սանձարձակ միապետի դէմ և ստիպեցին նրան խոնարհուել երկրի կամքի առջև...

Ահա մի շարք պատճառներ, որ առատօրէն սնունդ աւելն գերմանական ժողովրդի առանց այն էլ խոր դժգոհութեան և մղեցին նրան զանգուածօրէն դէպի ձախ, դէպի սօցիալիզմ...

Այսօր, կարելի է ասել, ճանապարհը հարթեալ է, վերջապէս, գերմանական պարլամենտարիզմի անկաշկանդ առաջադիմութեան համար „Պարլամենտարիզմ“, բառի իսկական նշանակութեամբ դեռ ևս չկայ Բիսմարկի հայրենիքում, թէև կայ այնտեղ ընդհանուր ընտրողական իրաւունքը, նախարարապետը, կանցլերը, որ ղեկավարում է ամբողջ ներքին և արտաքին բաղադրականութիւնը՝ ընտրուած է թագաւորի ձեռքով և ոչ պարլամենտի։ Ուրիշ արևմտեան երկիրների մէջ, այսպիսի ընտրութիւններից յետոյ, այսքան ուժեղ մի ապտակ ստանալուց յետոյ՝ նախարարապետը անմիջապէս կը հրաժարուէր իր պաշտօնից և տեղ կը տար ժամանակի ոգուն աւելի համապատասխան մէկին։ Սակայն... Գերմանիան դեռ այդ աստիճան չի հասնունացել։

Այնուամենայնիւ հարևա՞ծ, որ հասցրին ընտրութիւնները պետական հին կառուցածքին՝ ահագին է, անբուժելի Գերմանիան, յիշաւի, դարձաւ „կարմիր պետութիւն“, մի շարք խոշոր կենտրոններ անցան սօցիալիստների ձեռքը։ Կ ե ո լ ն ը, գերմանական կղերականութեան Հոռօմը, որ 40 տարուց ի վեր ընտրել էր միշտ կղերական պատգամաւորներ, այսօր գտնուում է սօցիալիզմի տիրապետութեան տակ։ Մայրաքաղաք Բերլինը գրեթէ ամբողջապէս — դարձեալ սօցիալիստներին է... Իսկ Վիլհելմ I-ի քննադատի որդին, սօցիալիստ կարլ Լիբկնեխտ ամուր հաստատեց արքայանիստ Պաուստա՝ մուսի վերընտրած են հսկայական մեծամասնութեամբ ընկերավարական հոգակաւոր պարագլուխները՝ Բեքէլ, Ֆօլլմար, Մօլկենբուր, Բերնշտայն և ուրիշներ։

Մի եզակի յաղթանակ, որ կունենայ լայն, համաեւրոպական անդրադարձումներ։ Ռուսաստանից յետոյ՝ Գերմանիան պահպանողականութեան ու ֆեոդալիզմի ամենամուր բերդն է եւրոպայում։ 2ը նայեա՞ծ մի շարք ազատութիւններին ու հիմնական ուժերին, չը նայեա՞ծ անտեսական վիթխարի առաջխաղացութեան և բուրժուազիայի անասելի հարստացման՝ այդ երկրի ճակատագիրը մինչև օրս վարում են միջնադարեան խոշոր հողատէր աւատականները, այսպէս կոչւած իւնկերնէրնէրը։ Նրանց ձեռքն է քաղաքական իշխանութիւնը, նրանցից է ձուլում ամբողջ բարձր պաշտօնէութիւնը, բիւրօկրատիան, նրանք են տալիս և մինիստրների, դեսպանների, ամեն տեսակ արտօնաւոր պաշտօնների հազարաւոր թեկնածուներին։ Բ ա ն ա կ ը և ս իր բարձրագոյն հրամանատարներով, իր ամբողջ սպայակոյտով՝ կազմում է իւնկերներին։

Դա մի հրէշաւոր տարկանոնութիւն է և վերջին

ընտրութիւնները, սօցիալիզմի և ամբողջ ձախակողմի յաղթանակը եկաւ վերացնելու այն։ Այդ ձախակողմը — սօցիալիստ, արմատական (fortschrittlich) և ազգայինազատական (national-liberal) — թէպէտ և ներքուստ ոչ համատարր ու միաբան՝ պիտի կարողանայ այնուհետև իր կնիքը դնել երկրի բաղադրականութեան վրայ, իբրև պարլամենտական մեծամասնութիւն (205 ընդդէմ 192-ի)։ Ի՞նչ է նա առժամայէս չկարողանայ դրական, խոշոր բարենորոգումներ մտցնել, յամենայն դէպս ընդունակ կը լինի արգելելու, չէզոքացնելու յետախաղաց հասանքները, սանձահարելու միապետական իւնկերների և կղերի միջնադարեան խորթակները։

Գերմանիայի ռաժկավարացումը ուժգնապէս կ'անդրադառնայ միջազգային յարաբերութիւնների վրայ, կը նւազեցնէ պատերազմի վտանգները, որոնց առատ սնունդ է տալիս Վիլհելմ II-ի կամարիլլան, կ'ազդէ մասնաւորապէս Ֆրանսիոյ գերմանական յարաբերութիւնների վրայ, կը նպաստէ թերևս աւելի մարդասէր բաղադրականութեան՝ օսմանեան Արևելքում, կ'անդրադառնայ, վերջապէս — անուղղակի — նաև հիւսիսային բռնապետութեան ճակատագրի վրայ... Որքա՞ն յաճախ, մահացու տագնապների միջոցին, Նիկօլայ II-ը գիմել է՛իր հօր եղբայրակցի, Վիլհելմ II-ի խորհուրդներին ու աջակցութեան...

Աշխարհը գնում է — հպարտ, անսասան — դէպի բաղձալի ժողովրդապետութիւն... Էլբայի Եզերներից մինչև հեռաւոր 2ինաստանը՝ քաղաքական երկնակամարը միշտ աւելի շառագունում է, պայծառանում և նրա վրայ նկարում է հսկայական, եռագոյն ծիածանը՝ Ֆրանսիական Մեծ Յեղափոխութեան հռչակած երեք խոշոր նշանաբաններով՝ Ա զ ա տ ու թ իւ ն, Հ աւ ա ս ար ու թ իւ ն և Ե ղ բ ա յ ը ու թ իւ ն...

ՄԱՄՈՒԼ ԵՒ ԳՐԱԿԱՆՈՒԹԻՒՆ

«ԱՌԱՅՈՒՆ», օրգան եւրոպայի Հ. Յ. Դ. Ռուսաստանի Միութեան N° 6.

Ռուսանդութիւնը, ի դէմս իր լաւագոյն տարրերի, շարունակում է ամենուրեք իր աւանդական կոչումը՝ լինել բոլոր գաղափարական շարժումների առաջապահ շարքերի մէջ։ Թէ գործնական թուիչների և թէ տեսական մտքի մշակութեան մէջ՝ համալսարանական տարրը իր պատկառելի տեղն ունի, — մասնաւորապէս սահմանադրութեան ու ազատութեան համար պայքարող երկիրներում՝ Ռուսաստանում, Լեհաստանում, Կովկասում, Պարսկաստանում, անգամ հեռաւոր 2ինաստանում։ Ռուսաստանի մէջ զինադադար է և հրապարակը նորէն գրաւոր ու բանաւոր պրօպագանդան է։ Վեց տարի առաջ շղթայազերծւած հսկայ փոթորիկը սահմանադրութեան, ազատութեան և հոգերի համայնացման նշանաբաններով՝ վիժեց, սակայն վերջնականապէս չխորտակեց։ Վետնայորկերում, խուլ, հեռաւոր գաւառներում, անգամ բացարձակ հրապարակօրէն, օրինական հաստատութիւնների մէջ, երբեմն նոյնիսկ Պետական Դռնաբացում՝ նոյն նշանաբանները, նոյն ազատարար փոթորիկը որոտում է պարբերաբար խելակորոյս բռնա-

կալութեան ականջներին և անտարակոյս, հեռու չէ ժամանակը, երբ երէկեան յաղթածը պիտի տօնէ իր յաղթանակը:

Շարժումը կտրատուում է — ճակատագրական մի երևոյթ, տարաբախտաբար: Կուսակցութիւնները մեկուսանում են, իւրաքանչիւրը իր տաճարի մէջ, մի տեսակ աղանդական նախանձախնդրութեամբ և երբեմն թւում է ձեզ — նրանց քայքայուն, անփառունակ վիճակի հանդէպ — թէ տակաւին շատ երկար պիտի սպասենք մինչև նոր գարուն: Սակայն, կուսակցութիւնները ամբողջ կեանքը չեն: Նրանք յաճախ հանդիսանում են իբրև մի տեսակ շրջանակներ, որ սահմանած են ընդունելու, պարփակելու, ձեւաորելու գալոց բնական, տարերային ժայթքումները, որ պիտի արտադրէ ինքը կեանքը: Լ. Յ. Դաշնակցութիւնը համեստ ուժ էր Ռուսաստանում, նախ քան 1903 — 905 — 906-ի փոթորկալի անցքերը: Բայց այդ համեստ ուժը իր համեմատաբար անձուկ շրջանակներով դարձաւ շուտով Ռուսաստանի ազատագրական հոսանքի պատկանելի ճիւղերից մինը: Նա ազդեց իր հայրենի կեանքի վրայ, բայց աւելի ևս ազդեց նրանից: Նա զարկ տւեց բողոքի ու ըմբոստացման շարժումներին և շուտով ինքը կեանքը իր հզօր ու անգիմադրելի ժայթքումներով, այսպէս ասած, գերազանցեց կազմակերպութիւնը, նրա անձուկ շրջանակները ձգեցին, լայնացան, ընդունելով իրենց մէջ — յանուն մեծ, ժողովրդական, ազատարար գաղափարի — նորանոր զանգուածներ, երիտասարդութիւնն ու մտաւորականութիւնը, ամբողջ տանջող ու պայքարող ժողովուրդը:

Տխրալի է, անտարակոյս, կուսակցական ուժերի պառակտումն ու մշտական հակամարտութիւնը, բայց նա բնաւ յուսահատեցուցիչ չէ: Ժամը կը հասնի, երբ արթնացող կեանքի տարերային թափերի տակ՝ այդ վտիտ, քայքայուն կազմակերպութիւնները, — ս. ռ. ա. կանը, ս. ռ. ա. կանը և ուրիշները — նորէն կը դառնան մի մի ահարկու իրաւարարներ և կացութեան հրամանատարներ: Առայժմ նրանք վերակազմւում են, մաքրագործւում և ոյժ են տալիս պրօպագանդին: Գաղտնի անլէզալ գրականութիւնը նորէն ահագին ծաւալ է առնում: Սկզբունքների, ծրագիրների վերաքննութիւն, երկրի անցեալի ու ներկայի ուսումնասիրութիւն, վիճաբանութիւններ տեսակետների, աշխարհահայեացքների և պայքարի մեթոդների շուրջը — այդ բոլորը վերստին տիրում է հրապտակին:

Լ. Յ. Դաշնակցութիւնը սկզբից ի վեր եղել է այն միակ կազմակերպութիւնը, որ անձնատրւած կենդանի գործի, մշտնջենական տենդային կուռի մտահոգութիւններին՝ ամենից քիչ է զբաղւել գրաւոր և մանաւանդ տեսական պրօպագանդի խնդիրներով: Դա եղել է նրա ուժը և թուլութիւնը: Վերջին տարիներս, կուսակցութիւնը աշխատում է որոշ գոհացում տալ և այդ զգալի կարիքին: Դարձեալ, անշուշտ, կազմակերպութեան մտաւոր ուժերի ահագին մեծամասնութիւնը հարկաւորւած է ներկրելու գործնական կեանքի ցաւոտ անհրաժեշտութիւններին, բայց այլ ևս չկայ նախկին թեթեւ, փոքր ինչ արհամարհող վերաբերմունքը դէպի տեսական խնդիրները, — ևս առաւել, որ այդ կարգի խնդիրներով սկսում է հետաքրքրւիլ և տաքանալ անգամ թիւրքահայ մտաւորական երիտասարդութիւնը: Վերջին

Ընդհանուր ժողովը ևս շեշտեց այդ կարգի խնդիրների արծարծման անհրաժեշտութիւնը:

Եւրոպայի յգաշնակցական՝ ուսանողութիւնը մի երկու տարուց ի վեր ստանձնել է նախանձելի պաշտօն՝ իր ուժերի չափ նպաստելու կուսակցութեան որդեգրած գաղափարների մշակութեան: Եւ նա տանում է իր գործը գոհացուցիչ ձեռնհասութեամբ:

Ուսանողական նախկին մարմինը, որի սկզբնական կորիզը կազմակերպւել էր 1897-ին Հայդելբերգում, չէր կարող ապրել աւելի երկար և լուծւեց: Նա կատարել էր մի յայտնի գործ, դրաւ տեղի և անհրաժեշտ գործի Հայոց պատմութեան ամենամուայլ շրջանում — թիւրքահայաստանի տագնապի միջոցին — նա ներկրել էր հայկական դատի պրօպագանդին Եւրոպայի մէջ, առանց կուսակցական խտրութիւնների, առանց ներքին հակամարտութեան:

Այդ խտրութիւններն ու հակամարտութիւնը Եւրոպայի Հայ Ուսանողութեան ծոցում ուժով շեշտեցին Ռուսաստանի յեղափոխական շարժումներից յետոյ: Հայոց կեանքի հրապարակում խիստ որոշ գունաւորութեամբ երևան էին եկել կուսակցութիւնները և այդ իրողութիւնը, բնականաբար, պէտք է անդրադառնար ամենազգայուն տարրի՝ ուսանողութեան վրայ: Հերթական Համագումար-ժողովի մէջ կատարւեց անխուսափելի պառակտումը, ուսանողութեան այլադաւան տարրերը մնացին ցիր ու ցան, անկազմակերպ, մինչդեռ «Դաշնակցութեան» ը յարող տարրերը շարունակեցին իրենց ուրոյն կազմակերպւած գոյութիւնն ու գործունէութիւնը «Եւրոպայի Լ. Յ. Դ. Ուսանողութիւն» անունով և ունեցան այնուհետեւ մի շարք տարեկան համագումարներ:

Այդ միութեան օրգանն է ահա՝ «Ուսանող»-ը: Մեր առջև դրւած է նրա № 6ը, 263 էջից բաղկացած, աւելի ճոխ և բազմակողմանի, հետաքրքրական, քան նախորդ համարները: Լեզուն ևս բաւականաչափ յղկւած է, զերծ օտար ու դժարամաս բառերի ու դարձածների կուտակումներից. կարդացւում է ընդհանրապէս դիւրութեամբ ու հաճութեամբ. տպաւորութիւնը միանգամայն գոհացուցիչ է:

Ի՞նչ է «Ուսանող»-ի նպատակը: Նա պարզւած է փոքրիկ նախաբանում:

«Յենւած դաշնակ. գաղափարական ուսանողների գիտակցութեան վրայ, նա սրանից յետոյ ևս — և աւելի ընդարձակօրէն — պիտի ջանայ պարզաբանել Լ. Յ. Դաշնակցութեան հիմնական սկզբունքները, ուսումնասիրել հայկական միջավայրի կարիքները և ընթերցողներին տեղեակ պահել միջազգային աշխատաւորութեանն առաջնորդող սկզբունքների ու գործելակերպի յաղթանակներին:

«Ուսանող»-ը կունենայ նաև գրական բաժին, որտեղ ց'արդ հրատարակւած մատենախօսութիւններից բացի, կը հրատարակւին ընկերավարական գրական երկեր — լինի ինքնուրոյն թէ թարգմանական — աշխատելով հնարաւոր չափով զարկ տալ այդ նոր հոսանքին, հակադրել ընկերավարականը՝ բուրժուականին և գրական գեղարւեստական տարբեր հոսանքների բնագոտական տեսութիւններով ջանալ

ամրապնդել իր տեսակետները, մասնանշելով տիրող գրական հոսանքների վնասակար կամ օգտակար ազդեցությունը:

«Գիտակ մեր պարտականություն, մեր համեստ ուժերի չափով պիտի աշխատինք օգտակար լինել թե մեր փայփայած կուսակցության և նրա հետ միասին բովանդակ աշխատությունների և թե գիտական հետաքրքրությունները հայ մտաւորականության»:

Խիստ շահեկան նիւթ է ընտրել ընկեր Արտուրը. «Խնտելիգենցիան և կուսակցությունը»:

Ճիշտ մտքեր շատ կան այդ յօդաւորի մէջ և իրաւամբ հեղինակը խաբանում է անկուսակցական ուժերի անտեսումը, անհեթեթ երևոյթը ինտելիգենտ աշխարհում, շեշտելով կուսակցական ուժի և իբրև գրական, անխուսափելի և արգասաւոր անհրաժեշտություն: Լաւ է անում մեր ընկերը, զատելով «խնտելիգենցիա» (մտաւորականություն, կրթած տարր) ընդհանուր հասկացողությունից՝ «գաղափարային ինտելիգենցիայի»՝ իմաստը ըստ ուսական սովորութեան: Ճշմարիտ մտաւորականությունը «ժողովրդական գործին ծառայող մասն է»: Ռուսները Լավրովից ի վեր ընդունել են իբրև ուղղում այդ ճշմարիտ ինտելիգենցիայի՝ «քննադատորէն մտածող տարրը»: Դա, թերեւս՝ աւելի իրապատշաճ որոշումն է: «Գաղափարական» ստորագրելն, սակայն չպէտք է նոյնացնել «քաղաքական»-ին և «կուսակցական»-ին: Ռուսաստանի, ինչպէս նաև բոլոր երկրների պահպանողական մտաւորականությունը նոյնպէս ունի քաղաքական և կուսակցական բնոյթ, սակայն չի կարելի նրանց ևս ընդունել, իբրև գաղափարական և մանաւանդ «ժողովրդական գործին ծառայող» մտաւորականություն:

Ձեռք կարող նաև համաձայնել մեր ընկերոջ հետ, երբ նա հակադրում է մասսան (զանգաւածը) և ինտելիգենցիան, շեշտելով, որ իբր թէ մասսաներին դրդող քաղաքական պայքարների մէջ գրեթէ միայն «կոնկրետ շահ» է, մինչդեռ գաղափարական ինտելիգենցիային «մղում է գաղափարը»: Իրաւ է անշուշտ, որ ժողովրդային զանգաւածները առհասարակ չեն ցոյց տալիս մեծ գիտակցություն—այդպէս է եղել մանաւանդ անցեալում—սակայն ճիշտ է և այն, որ այդ զանգաւածները յաճախ վաւեր, ըմբոստացել են՝ ոչ սոսկ նիւթական շահից դրդւած՝ այլ յանուն մի բռնաբարող գաղափարի, հայրենիքի ու հայրենասիրութեան, կրօնի, լեզուի, եկեղեցու... Պատմութեան մէջ անուանալի են այդ վայրկեանները՝ նոյնիսկ մեր մօտիկ անցեալի փոթորիկների մէջ—եկեղեցական գոյքերի յափշտակութեան միջոցին—մեր ժողովրդի հոգեբանութեան ու մտայնութեան մէջ որոշ գեր ունէր այդ գաղափարային, իդէօլոգիական մօմենտը:

Միւս կողմից՝ գաղափարական ինտելիգենցիայի մի մասը—այսպէս կոչւած ինտելիգենտ պրօլետարիատը (ուսուցիչներ, գրողներ, մանր-մունր պաշտօնեաներ, հասարակական այլ և այլ գործիչներ) նեւաւում են սովորաբար քաղաքական կուսակցությունների ու շարժումների մէջ՝ դրդւած ոչ միայն գաղափարից, այլ և նիւթական թշուառութիւնից, «ստամոքսային» շահերից: Շահն ու գաղափարը դժւար է այդպէս բա-

ցարձակ ձևով իրար հակադրել—նրանք խճողում են, հիւսում անբաժանելի և անշարժելի կերպով պատմութեան խորունկ պրօցէսի մէջ: Մի տեղ մէկն է գերակշռում, մի այլ տեղ միւսը: Եթէ կարելի է գաղափարը ճանաչել իրրև միակ շարժիչ ուժ որևէ հասարակական կատեգորիայի, եթէ կան մարդիկ, որոնք գլխակորոյս, à corps perdu, նետում են սօցիալական ու քաղաքական մրկածուփ յորձանքները, այրում են բոլոր նաւերը իրենց ետեից, հրաժարւում են իրենց գիրքի ու դասակարգի արտօնած վայելքներից, իրենց գրկած գաղափարի հրամայական թելադրութեամբ, եթէ կան անհատներ, որոնց մէջ ոչ միայն նիւթական ակնկալութեան, այլ և փառքի ու եսի ամեն տեսակ մտահոգութիւններ նսեմանում, հալւում են գաղափարի բոցավառող ու հրդեհող ճառահայթիւնը—նրանց մէջ են, անտարակոյս, համեմատաբար փոքրամիւս այն երջանիկները—Բակունիններ, Լավրովներ, Պրեսսանսէներ—որոնք իջնելով բարեկեցիկ դասակարգներից, գրկում են խանդավառութեամբ աշխատաւոր ու չարքաշ ժողովուրդների դատը և պատրաստ են ամեն վայրկեան զոհաբերւելու արդարութեան ու հաւասարութեան յաւիտենական գաղափարի համար:

Եւ նրանք չեն, ի հարկէ, միակ երջանիկները: Բոլոր դասակարգների մէջ, բոլոր երկրներում, պատմութեան բոլոր դրւագներում դուր կը հանդիպէք այդ գործիչներին, որոնց գերագոյն շարժիչ-լծակը Գաղափարի շահն է, նոյնպէս «կոնկրետ շահ»... Կը հանդիպէք այդ մաքուր գաղափարականութեանը՝ թէ ընտիր, նրբաբարոյ, ապագասակարգային ինտելիգենցիայի և թէ կոպիտ մասսայի մէջ:

Կարելի է ընդհանուր առմամբ ճիշտ համարել ընկեր Արտուրի այն միտքը. թէ յետամնաց երկրներում ինտելիգենցիան շատ աւելի բարձր է մասսայից, թէ երկուսի հակադրությունը շատ աւելի խորն է, քան առաջաւոր, քաղաքակիրթ ազգերի մէջ... Թէև, օրինակ, ժամանակակից թիւրքական ինտելիգենցիան իր մտայնութեամբ շատ էլ տարբեր չէ մահմեդական զանգաւածներից (մի կողմն ենք թողնում անհատական բացառությունները):

Բայց չենք կարող ընդունել մեր ընկերոջ այն թեզիսը, որով նա յայտարարում է, թէ «գաղափարական կամ քաղաքական ինտելիգենցիան» աւելի զօրաւոր է յետամնաց երկրներում, քան Եւրոպայում, թէ արեւմտեան ազգերի մէջ նրա թափը թուլանում է, թէ նա ընկնում է մասսայի վիճակի մէջ... Affirmation trop absolue! Շեշտը—շատ է բացարձակ և վճռական: Եթէ նոյնիսկ ճիշտ լինէր, թէ այժմեան Ռուսաստանի գաղափարային ինտելիգենցիան իր թափով ու պայքարի տենդով բարձր էր գիցուք Ֆրանսիայի գաղափարական ինտելիգենցիայից, դարձեալ անկարելի էր այդպիսի ընդհանրացումն անել և տարածել իրողությունը բոլոր յետամնաց երկրների վրայ: Բայց նոյնիսկ ուսական ինտելիգենցիան չի կարող այդպիսի յաւակնություններ ունենալ: Մի երկու տարի սրանից առաջ ուս գրող Մերեժկովսկի Պարիզում մի պտոյա անելուց, ծօռէսներին ու Անատոլ Ֆրանսներին այցելելուց յետոյ, գրում էր «Բէշ» թերթի մէջ իր տպաւորությունները և արհա-

մարհոտ շեշտերով էր խօսում ֆրանսիական սօցիալիստ ինտելիգենցիայի «մեջլանութեան» *) մասին, հակադրելով այն իր հայրենի մաաւորականութեան... Դա մի տարածւած մոլորութիւն է՝ և ռուսները մի ոչ-տեղին յաւակնութիւն: Անգամ Ռուսաստանի այժմեան վիճակում—որ ստիպում է երևան հանել իդէալիզմի ու անձնագոհութեան բովանդակ պաշարը, որ թելադրում է կռիւ մղել, անդուլ, յուսահատ, թէկուզ և անհաւասար մի կռիւ խեղդող բռնակալութեան դէմ, որի հանդէպ իր ժամանակին արեւմտեան ինտելիգենցիան ծառացել է որպէս առիւծ—նոյնիսկ, ասում ենք, այժմեան ծանր, տագնապալի, յեղափոխական վիճակում, դժւար է ասել, թէ կռուի տենդի, թափի, աւելի տեսակէտից՝ ռուսական պայքարող ինտելիգենցիան բարձր է, «զօրաւոր է» ֆրանսիականից, իտալականից, անգլիականից... Ռուս սօցիալիստ ինտելիգենցիայի գաղափարական թռիչքները ուրացողը չենք, բայց և չենք կարող մոռանալ նրա թանձր, սուերային կողմերը, որոնք սակաւ չնպաստեցին Յեղափոխութեան վիժումին:

Դժւար է, վերջապէս, համաձայնել, թէ «Ռուսաստանն այսօր սօցիալիզմի ամենուրեք երկիրն է»: Ցարերի երկրում, ճիշտ է, վերջին մի շարք տարիներում անօրինակ սլացք է առել ընկերվարական շարժումը—թէ տեսական, թէ գործնականի մէջ—բայց մենք գիտենք ընկերվարականօրէն աւելի ուժեղ երկիրներ՝ Գերմանիան, Ֆրանսիան, Բելգիան:

*

Հետևում են մի շարք ուրիշ տեսութիւններ, որոնց նիւթն են՝ նոյնքան լուրջ ու այժմեական խնդիրներ: Ընկեր Վ. Տ. մի ընդարձակ յօդւածի մէջ քննում է հայ գրականութեան առնչութիւնը՝ հայ յեղափոխական շարժման հետ: Քիչ անգամ են շօշափել նման հարցեր մեր տեսական գրականութեան մէջ և իբրեւ փորձ՝ Վ. Տ.-ի վերլուծումը արժանի է ուշադրութեան: Հայկական վերածնունդը պատրաստող գրողների համաստեղութեան մէջ՝ Միքայէլ Նալբանդեանը, հարկաւ, արժանի է աւելի խոշոր տեղ բռնելու, մանաւանդ Ստեփաննոս Նազարեանի հանդէպ: Վերջինս, կատարելով հանդերձ իր որոշ գերը, յարգելի դերը նոյն վերածնութեան պատմութեան մէջ, իր «Հիւսիսափայլ»-ով—ունեցել է բաւական դժգոյն ու անհրապոյր հրապարակախօսութիւն և եղել է խիստ շեշտած հակայեղափոխական մտայնութեան ու խառնւածքի տէր: Չափազանց նահապետական են նրա հասկացողութիւնները համաշխարհային յեղափոխութիւնների, մասնաւորապէս 1789—93-ի ֆրանսիական մեծագոյն վերիվարումի մասին: Նա դիտում է այդ աշխարհադրոյդ անցքերը ռուս ու գերման պաշտօնական պատմագիրների ակնոցներով և միանգամայն բացասական դիրք է բռնում, խորանելով Դանտոններին և ներբողելով Լուդովիկոս XVI-ին:

Դժւար է ասել, թէ ո՞վ է ում ստեղծագործութիւնը՝ Նալբանդեանը «Հիւսիսափայլ»-ի, թէ «Հիւսիսափայլ»-ը Նալբանդեանի: Մի բան, սակայն, անտարակուսելի է. «Կոմս Էմանուէլը» հոգին էր Մոսկուայի հայ անդրանիկ հանդէսի և որքան աւելի ենք դիտում մեր

հայկական հրապարակագիրներին նրանից առաջ և նրանից յետոյ՝ այնքան աւելի է բարձրանում մեր աչքերում Միքայէլ Նալբանդեանի համակրելի, սիրելի պատկերը:

Միայն... չնեմենք նրան անարխիզմի, անիշխանականութեան ծոցը: Բակունինի, Հերցենի, Օգարեովի և այլ ռուս ու եւրոպացի դէմքերի հետ չփելելով ու նրանց ստեղծած գրականութեանը ծանօթանալով, Նալբանդեան իւրացրեց—թէ և փոքր ինչ խոպան ձեռով—սօցիալիզմի և ոչ անարխիզմի տարբերները: Ընկեր Վ. Տ. դրականապէս չի շեշտում այդ, այլ միայն ընդունում է իբրեւ հիպոթէզ, ենթադրութիւն:

Մի փոքրիկ դիտողութիւն ևս. զգուշանալու է դրապաշտ փիլիսոփայութեան հիմնադիր Օգիւստ Կոնտին մտցնելու «դասակարգային պայքարի» ռահվիրաների շարքը:

«Անհատականութեան» և «ընկերվարութեան» յարաբերութիւնները քննում է Դրսեցին: Իրաւամբ հաստատում է, որ երկու գաղափարները հակոտնեաներ չեն և որ ընկերվարութեան կամ համայնականութեան վարդապետութիւնն ևս իր ձգտման վերջնական նպատակակէտ ունի՝ մարդ-անհատի բազմակողմանի զարգացումն ու բարգաւաճումը: Այլ բան է, ի հարկէ, Անհատականութիւնը կամ ինդիվիդուալիզմը, մի բուրժուատիպ փիլիսոփայի, մի Սպենսերի կամ Նիչչէի ըմբռնումով: Այդտեղ նա վերածւում է խորունկ անհաւասարութեան ճիշտ է նկատում նաև Դրսեցին, որ ընկերվարութեան սխտեմը չի կարող երբէք հարթել, ջնջել մարդ-անհատների բնական անհաւասարութիւնները—մտքի, մարմնի, հոգու և խառնւածքի—որ ռամկավարացումն ու հաւասարութիւնը չեն կարող յանգիլ լծացման, ամուլ միակերպութեան ու ստրկութեան, ինչպէս յայտարարում են բուրժուա թէօրետիկոսները, այլ որ ընկերվարութեան, համայնականութեան սխտեմի մէջ ևս կը փթթւին—և աւելի մեծ դիւրութեամբ ու առատութեամբ—անհատական ուժերը, տաղանդներն ու հանճարները, մեծ մարդիկ, գերմարդիկ: Աւելի մեծ դիւրութեամբ ու առատութեամբ՝ քանի որ միանգամ ընդմիշտ վերացած կը լինին ժամանակակից հասարակութեան հիմքը կրծող չարիքները, տնտեսական և ամեն ուրիշ տարկանոնութիւններ, որոնք խեղդում, կաշկանդում են հարկւր միլիոնաւոր զանգւածներին. աւելի մեծ դիւրութեամբ ու առատութեամբ՝ քանի որ մարդկութիւնը միանգամ ընդմիշտ ազատւած կը լինի նիւթական կարօտութեան պատուհասներից, ներքին արիւնահեղ բաղխումներից, բիրտ ու դաժան գոյամարտի անհրաժեշտութիւններից և կողղէ իր ներդաշնակ ճիգերը, իր գոյութեան պայքարը միակ թշնամու—բնութեան դէմ...

Պուսակցութեան կեանքի կարևոր խնդիրներ է շօշափում և Հրազդանի յօդւածը՝ «Մեր գործը և նրա նախապայմանները», որ տակաւին շարունակելի է: Մի թեթեւ վրիպում—և այդտեղ: Անարդար կը լինէր՝ այն աստիճան սահմանափակել ժամանակակից սօցիալիզմի հիմնադիրներին ցանկը: Սօցիալիզմը երկու դէմք ունի. նա միանգամայն շարժումն է և վարդապետութիւն: Իբրեւ շարժում, իբրեւ որոշ գաղափարների գործնական կիրառութիւն, նա հիմնւած է,

*) Գուհհիկ քաղցրենութիւն:

նախաձեռնած յեղափոխութիւնների կլասսիկ հայրենիքում — Գրանսիսի մէջ... Հիմնաւոր է ընկերակա-
րական դաւադրութիւններով, ապստամբութիւններով,
գլխատումներով, ապա և մասսային գործադուլներով
Այդ սոցիալիզմի հիմնադրութեան հետ Գեր-
մանիան առնչութիւն չունի XIX դարի սկզբում նա
դեռ գրեթէ բոլորովին մի խոսքի միջավայր էր՝ ոչ
միայն սոցիալական, այլ և բաղաժայռական-սահմանա-
դրական գաղափարների տեսակետից: (Անտեսում
ենք ազգային-ազատագրական շարժումները և
կղզիացած անհատական ժեստները յանուն բաղաժայռական
յեղաշրջման):

Սոցիալիզմը, իբրև դօքտրին, վարդապետութիւն,
ժամանակակից սոցիալիզմը, դասակար-
գային պայքարը շեշտող և դրաւորող սոցիալիզմը՝ չի
հիմնաւոր միայն Գերմանիայում: Հիմնադրների շար-
քում են Ֆրանսիայի մեծագոյն յեղափոխական զա-
ւակներից մի քանիսը. — Գրակստու Բաբօֆ, Օգիւստ
Բլանկի, Վիկտոր Լյոնսի դերան, դեռ չխօսելով
ուրիշների մասին: Ճիշտ է, նրանք Մարքսի պէս որոշ
կերպով չեն ձևակերպել դասակարգային շերտաւո-
րումների արժեքը և դասակարգային պայքարը, սակայն
այդ դեռ չի նշանակում հիմնադիր չլինել սոցիալիզմի
Մեր ընկերը չի ասի, ի հարկէ, թէ ժամանակակից սո-
ցիալիզմը միմիայն մարքսիզմի մէջ է, նա չի էլ յանգի
մանր ու խոշոր «ուղղադաւանների» սիրած եզրակա-
ցութեան՝ թէ սոցիալիզմը գիտութիւն դարձաւ՝ միայն
«տնտեսական մատերիալիզմի» և «յաւելեալ արժեքի»
գիւտով: Ար մարքսիզմը և մասնաւորապէս «տնտեսա-
կան մատերիալիզմը» դեռ հեռու են բուն գիտութեան
հետ նոյնանալուց (Identifizierung) — այդ մա-
սին վիճում են այսօր միայն սոցիալ-դեմոկրատները
ուղղափառ դժգոհակցութիւն բանակում: Անգամ Էնգելսը
դժուար թէ այդքան նեղցնէր Փորձուլը, երբ հարցը
գար նրան՝ թէ ո՞վ է հիմնել ժամանակակից
սոցիալիզմը և ի՞նչ տարբերների վրայ է նա
հիմնաւոր: Ապացոյց՝ թէկուզ նրա «Գիտական սոցիա-
լիզմի» առաջին տողերը:

Կան ուրիշ տեսութիւններ ևս «Ուսանող»ի մէջ, բա-
ւականաչափ մշակած: Յիշենք մեր թիւրքահայ ընկեր
Տ. Լուսի յօդածը բնագիտական աշխարհից՝ «Պահպա-
նութիւն և ինքնապաշտպանութիւն» խորագրով: Բնա-
գիտական թէօրիաներից և անասնական տեսակներից
չեւով նա յանգում է այն եզրակացութեան, որ «ինք-
նապաշտպանութիւնը տիեզերական օրէնք է... և այն-
տեղ, ուր նա կը դադրի... անէացման գիրկը կը նետէ
թոյլ, անպատրաստ կենդանական տեսակները, մարդ-
կային հասարակութիւնները, պետութիւնները, մանր
ազգութիւններն ու անհատները»:

Հետաքրքրական է «Ուսանող»ի ամբողջ յօդածա-
շարքը՝ ժամանակը և տեղը չեն թոյլ տալիս աւելի
երկար կանգ առնելու: Առկա են վերջացնել մի ընդ-
հանուր և ընկերական գիտողութեամբ: Ցանկալի է
աւելի ևս ժողովրդականացրած, մատչելի ձևով ներկա-
յացնել հասարակագիտական և բնագիտական այնքան
բարդ խնդիրները: Տեղ-տեղ նոյնիսկ անհրաժեշտ է
սկսել այբուբենից: Այդպէս օրինակ՝ սխալում է, ան-

տարակոյս, Դրսեցին, երբ նա «աւելորդ է համա-
րում կանգ առնելու Նիշէի անհատական վարդապե-
տութեան, գերմանական տեսութեան վրայ, քանի
որ նրա կարծիքով «դա համարեա ծանօթ մի վարդա-
պետութիւն է...» Եթէ այդ տեսակ խնդիրները այդ աս-
տիճան ծանօթ լինէին մեր միջավայրում, գուցէ «Ու-
սանող»ի և այլ նման հրատարակութիւնների պէտք էլ
չունենայինք: Այդպէս չէ, տարաբախտաբար: Իւ քանի
որ հանդէսը ուղղում է իր խօսքը մի անպատրաստ
լսարանի (չմտանա՞նք և մեր թիւրքահայ դպրոցական
երիտասարդութիւնը), քանի որ «Ուսանող»ը յայտնում
է միանգամայն և «Ուսուցանող»ի դերի մէջ, ապա
պէտք է որ նա առաջագրէ իր թեզիսները ըստ կա-
րելոյն պարզ ու մատչելի:

«ՆՈՐ ԽՕՄԻ» և «ՆՈՐ ԿԵԱՆԻ»

Երկրի մէջ ևս մերթ ընդ մերթ լոյս են տեսնում
հրատարակութիւններ — մեզ համակիր կամ հակառա-
կորդ — որոնք գրեթէ բոլորը ձգտում են գիտական-
փիլիսոփայական գունաւորումն ընդունել՝ մասամբ ապ-
րելու մասհոգութեամբ, մասամբ էլ օրինաւոր ու գովելի
ցանկութեամբ՝ յագեցնել ըստ կարելոյն հարցասէր
երիտասարդութեան ծարաւը, գաղափարային հոսանք-
ների մէջ տարուբերող երիտասարդութիւնը:

Բազում նորերս լոյս տեսած երկու վերոյիշեալ
հրատարակութիւնները մեզ հակառակորդ են. արծար-
ծում են մի շարք յօդածների մէջ թէօրիական մարք-
սիզմի գաղափարները և ձգտում են նրանցով լուսաբանել
մեր հայկական իրականութեան կնճիռները:

Համակրելի և խրախուսելի է մեր երիտասարդ մտա-
ւորականութեան թէ «համախոհ» և թէ «հակառակորդ»
հատկանքների այդ եռանդը: Լաւ է՝ որ շարունակում են
ոգեւորել ու որոնել, արձագանք տալ ժամանակակից
հոսանքներին և թոյլ չտալ, որ գաղափարային կեանքը
մեռնի, միտքը թմրի բռնակալութեան արժիճային ճընշ-
ման տակ:

Այդ երկու թը մեր ներկայ մոտայլ իրականութեան
մէջ ինքնին այնքան ուրախալի է, որ մենք շատ էլ չենք
վշտանում այն տենդոտ յարձակումներից, որ տեղում են՝
երկու յիշեալ հրատարակութիւնների մէջ՝ դաշնակցա-
կան գրականութեան, մասնաւորապէս «Հոսանքներ»ի ու
նրա հեղինակի դէմ, այն հիմնական խեղաթիւրումներից,
որոնց ենթարկում է այդ գրածքը և որոնք իրենց
սպեցիֆիկ բնոյթով չէզոքացնում են պատասխա-
նելու ամեն մի հնարաւորութիւն: Ի՞նչ ասել կուզէ՝
մենք կը բաղձայինք — և մեր վաղեմի բաղձանքն է այդ —
որ գրելու և պայքարելու տենդի հետ միասին՝ փոքր
ինչ բարձրանար մեր երիտասարդութեան բաղաժայռա-
կան հասունութեան մակերեսը, փոքր ինչ ազնւանային
պօլեմիկական մեր բարբերը:

Ճիշտ է, «տնտեսական մատերիալիզմը» ժխտում է
գաղափարների, բարոյական հասկացողութիւնների ու-
րոյն, անկախ գոյութիւնը և դնում է նրանց մշտնջենա-
կան կախման մէջ նիւթական, դասակարգային շահերից
ու յարաբերութիւններից. — այնուամենայնիւ, որոշ սկզբ-

բունքներ էտիկայի հրապարակում—շիտակութիւն, ազնութիւն—պէտք է լինին պարագիւր՝ նաև հայ մարքսիստների համար: Թէ չէ, ճշմարիտ, գրականութիւնը կորցնում է ամեն համ ու հրապարակ և մեր աճող սերունդը, ի տեղի գերազանցելու նախորդին, մանրանում է նրա պէս *):

«ՓԲԿԻՉՆԵՐ, ԹԵ՛ ԿՈՐԾԱՆԻՉՆԵՐ»

Լ. ՄԱՐԿՍՈՎԻ

Հ ե Ր Ճ Լ Ե Ր շարունակում է իր անմաքուր և աւերիչ աշխատանքը ռուսական Սօցիալ-Դեմոկրատիայի մէջ: Դրա մի ախուր վկայութիւնն է Մարտովի այս գրքովը: Մի սարսափելի ամբաստանագիր կուսակցութեան այսպէս կոչւած «մեծամասնական» հատուածի դէմ: Ինչպէս յայտնի է, Լօնդոնի համագումարից ի վեր (1906 թ.) կուսակցութեան կենտրոնական մարմինները գտնւում են մեծամասնականների, բոլշեւիկների ձեռքում: Եւ ահա մի քանի տարի շարունակ երկու հատուածները, որպէս երկու հակամարտ աղանդներ, մենամարտում են ու թափում իրարու վրայ անլուր ամբաստանութիւններ:

«Փոքրամասնականները (մենշեւիկները) ուզում են իսպառ կազմալուծել կուսակցութիւնը, լիկվիդացիայի ենթարկել նրան և կոմպրոմիսի ու հաշտութեան բաղաժանութիւն սկսել ցարական կառավարութեան հետ» — այսպէս են ասում մեծամասնականները (բոլշեւիկները):

«Բոլշեւիկները ուզում պատրաստ են, նրանք ապօրինի ձևով, կեղծ մանդատներով զաւթել են կուսակցութեան կենտրոնները, դաւանում են ա ն ա Ր Խ Օ - Բ Լ Կ Ի Ղ Վ, հանդիսանում են արկածախնդիր աղանդաւորներ, նպաստում են դրանով ռեակցիային, փճացնում են պրօլետարիատը, կործանում են սօցիալ-դեմոկրատիան»:

Այդպէս էլ ասում է Մարտով: Բոլշեւիկների աղանդը կործանեց ռուսական սօցիալ-դեմոկրատիան: Եւ նա ողբում է, հեծկտում այդ անկումի աւերակների վրայ: Եւ որպէսզի է կործանիչներին (Լենինի թեւը) ամենավաւ ածականներով: Լակէյներ, խաբեբաներ, դրամաշորթներ...

«Անարխո-բլանկիզմ»... Ուշագրաւ է մանաւանդ այդ մեղադրանքը: Երանի չէ՛ր, թէ փոքր ինչ, յիրաւի, արծարծէր անարխո-բլանկիստական, «ապստամբական» մեթօդը ռուս ս.դ.-ների կրաւորական շարքերի մէջ... Ի՛նչ են անում բոլշեւիկները: Նրանք բոլոր են հրատարակում պետական Դումայի դէմ, համարում են այն աւելորդ ու վնասակար, և ուզում են յետ կոչել այդ Դումայի ս.դ. պատգամաւորներին: Նրանք բարոյաւ են նաև՝ մտնել «գետնի տակ», դիմել իլլէգալ, անօրինական գործունէութեան, երբեմն էլ խրախուսում են (խօսքով միայն) ռազմական տակտիկը — և ահա այդ համեստ պա-

*) Պէտք է նաև դիտել տալ մեր եւանդուն հայրենակիցներին, որ մենք տակաւին ապրում ենք բուրժուական իրաւակարգի մէջ, որ մասնաւոր սեփականութիւնը դեռ ևս գոյութիւն ունի՝ ոչ միայն իրերի, այլ և գրական անունների վրայ: Այդ տեսակէտով մենք բնաւ պատեհ չենք տեսնում, երբ նորածին հանդէսի խմբագիրներից մէկը ստորագրում է իր էջերի տակ՝ *Его, միւսը՝ Ակնունի* (վերջինիս քովը մի «Գ», որ չի կանխի շատերի պատրանքը):

հանջների համար նրանք որակւում են «անարխիստներ», «բլանկիստներ», «դաւադիրներ»... Մարտովների, Պլէխանովների ու Երսէլլօզների կողմից, որոնք ստեղծում են դաւադրական, յեղափոխական մեթօդներից և ապաւինում են խաղաղ, օրինական տակտիկին... Թէկուզ և պէտք լինի սպասել մինչև ռուսական նոր գարունը՝ հարիւր տարի ևս:

Ողբալի է: Մենշեւիկները՝ իրօք կուում են ուրականների դէմ: Սօցիալ-դեմոկրատիան, իր բոլոր թեւերով ու հատուածներով, ռուսական Սօցիալ-դեմոկրատիան՝ շարունակում է, շարունակելու է միշտ իր վաղեմի դաւանանքն ու տակտիկը — էսպէս կրաւորական, խաղաղառջադիմական — և դարձեալ նա չէ, հաւանականօրէն, որ պիտի սկսէ Ռուսաստանի գաղտնի վերիվայրումը:

Լրկու թեւերի անվերջ պայքարը թողնում է ճնշող տպաւորութիւն: Ամենածանր ամբաստանութիւններ ենք կարդում Մարտովի բրօշուրի մէջ. և ամենից ճնշողը դրամաշորթ թեւն է մեղադրանքը: Մեծամասնականների ղեկավար անհատներ, ասում է նա բարձրաձայն, ի Լ Ե Ր Ե Ր Ե Ն կուսակցական գործերի համար ներառեալ զուգարներ...

Եւ ինչպէ՞ս չեն խնայում այդ մարդիկ իրենց որդեգրած դատի միլիոնաւոր ներկայացուցիչներին, խեղճ ու ընկճած աշխատաւոր ընդհանրութիւնը, որ ներկայ մուսլ շրջանում միաբանութիւն և խրախոյս է անկալում իր մտաւոր առաջնորդներից...

Վ.

Ն Ի Ի Ր Ա Տ Ի ՈՒ Խ Ի Ի Ն

Պօլսոյ Կեդր. Կոմիտէն ստացած է՝

1908 յուլիսէն մինչ 1910 դեկտ. 30.—

Բ ե Ր Կ Ի Ե Ն Բ Ե Լ Օ Մ Ի Տ Ե Ն. — Հետեւալ խումբերէ՝ Կայծ 158 դրու, Նիմուէ 105, Սուրհանդակ 90, Վիքիարի 135, Սալմոս 125, Կերչեվի 182. 20, Շամիրաւ 105, Շաֆէ 138, Սիվան 127. 20, Աւսարակ 121, Արախի 30, Միացեալ 117. 20, Վարագ 30, Ոյծ 391, Սարսալի 115, Աղբիւր-Սերոբ 75, Պէշկիւսի խումբերէն 206, նւէր Արարատէ քիւ 12՝ 216, Գեղամի միջոցով 42, Պալաֆեանէ (Աւսարալիա) նւէր 240, Տիւրիկցիներու խմբ. 70, Խաս գեղի Ուոս խ. 47, Ժանգար խ. 85, Վիքիարի խ. 59, Օվանգի խ. 20 դր.:

Ս Կ Ի Լ Տ Ե Լ Ե Ն Բ Ե Լ Օ Մ Ի Տ Ե Ն. — Հետեւալ խումբերէ՝ Վրէժ 27 դր., Անգաւնգ 50, Երուանց եղիւ 35, Արմէն Զաւէն 127. 20, Արօր 136. 20, Սնդիկ 130, Նոր-Սերունդ 126, Գաղղի խումբերէն 137, Ոսկեմայր 65, Վագգէն 201, Զաւէն 444. 20, Արաւանի 81, Վառոգ 327. 20, Ալէմ-Տաղի Արեւ խ. 37. 20, Արագ 53. 20, Պայխար 136, Հերոս 40, զանազաններ 20 դր.:

Պ օ լ ս ո յ Ե Ր Կ Ե Լ Օ Մ Ի Տ Ե Ն. — Հետեւալ խումբերէ՝ Ե. Թոփչեան 269 դր., Դեմուր 204, Հարազատ 142. 50, Պարոյ Հայկազն 88, Թօփ-Գաբուի խումբերէն 255, Հարիւ 35, Կարմիր բերդի Շաֆէ խ. 32, Աւագուսի Անդրանիկ խ. 135, Բերդի քաղի զանազան խումբերէն 70, Օժանդակ Մրիկ 25, Աւսարակ 213, Աւագուսի Փոքրիկ խ. 48, Ծովասարի Մարտար խ. 127. 20, Անաբեկիչ 120, Քաջբերունի 388, Ծովասարի Բաքիէն խ. 158, Բերդի Աւագուսի խ. 116, Սասուն 10, Խիւնի Հրեւակ խ. 50, Աւագուսի Հայկազն խ. 20, Արաւի 117, Վարդան 134, Սալմաթուրի 68, Հայկազն 35, Հրայր 42. 20, Կրակոս 148, Հրեւակ 137, Վարդգէս 20, Մրնէր 41, Լուսինեան 35, Ծովասարի Օժանդակ խ. 112. 20, Պէսօ 30, Արժան 23, Պայխար 11, Կովկաս 42, Կայծակ 42, Արարատ 12, զանազան ընկերներու անդամավարներէ 15, նւէրներ 89 դր.:

Պ ա լ ի ա Մ ա Տ Ե Ն Ի Կ Ե Լ Օ Մ Ի Տ Ե Ն. խմբակն անդամավարներ 432 դր.:

(Շարունակութիւնը միւս համարում)